

Pol da Korin Amin do Papia 1 Mandagit

But piso gen

Pol da bisapmon Korin unun kokup pap madep kinda Akaia provinskon Grik da miktimon tagit. Pol iyi Yesu Kristo dakon Gen Bin Tagisi mibiltoksi Korin unudon yan tetenagait. Anek panmuwukbi wasok wasoksi panalon agit. (Yabekbi 19.1-17 unudon do koki.) Mani yopman degek kokup nwanjwarikon kin pi agit bisapmon panmuwukbi Korin egipgwit unudon jigi noman tan yomgwit. Aba Pol da nandak nandak yoban jigi unun panmilip ani yan do papia diwari Pol do mandan imgwit. Do Pol iyi Epesas kokupmon egek jigini unun panmilip ani do nandak nandak kilegi yominek papia on mandagit.

Pol da Korin panmuwukbi dakon nandan gadatni yawotni yan do nandaba kik madepsi agit. Ae anpakni tagisi unun tasik tosak do nandaba kik agit. Pol da minjat eyo kili abi da anpak kilegi ani unun do yagit, ae minjat aminyo Telagi Wup yipman degek jigi pawit unun do yosok. Ae Pinjop gawak imim dakon silip anpak tagisikon da ani, ae Telagi Wup da but galak dakon yo mibili mibili panmuwukbi do yomisak unun do yosok. Ae amin kimakbi kimoron da pidokdan unun do kisi yosok.

Unun yo morap da Korin amin jigi yomgut, do Pol da Pinjop dakon galaktok kan nandanjo ani do panpulugajek gen tagisi ban mandan yomgut. Gen kinda mandagit unun kilapmi 13, panmuwukbi da unun do tagisi nandan. Unudon Pol da amin do but dasi galaktan yomyom anpak unun do yosok. Ae yo madepsi kinda Pinjop da minjat aminyo do but galak do yomisak unun butdasi galak tan yomyom anpak unun do yosok.

Yesu yolyol amin gen emat anek iyi dakon man dima pawigini

(Kilapmi 1–4)

1 ¹Nak Pol Yesu Kristo dakon yabekbini. Pinjop da iyi da galak togon yabekbi pi namgut. Nak gat ae notnin Sostenes gat ²nit da papia on panmuwukbi Korin kokup papmon ekwan ji do mandamak. Yesu Kristo da iyi ji pantelak anek iyi do manjigit. Ji gat ae amin morap kokup morap kisikon Amin Taginin Yesu dakon man anenagek

bisit aŋ imanŋ amin kisi manjigit. Uŋun nin ae uŋunyo kisi dakon Amin Taginin. ³Piŋkop Datnin gat ae Amin Tagi Yesu Kristo gat da nandanŋ yawok damiŋek butji panyawot aban yawori tosak do bisit asat.

Pol da Piŋkop ya yaŋ iyigit

⁴Piŋkop da Yesu Kristo obakon da nandanŋ yawok damiŋek yo tagisi aŋ damgut, do bisapmi bisapmi ji do nandanŋek Piŋkopno ya yaŋsi iyisat. ⁵Nido Yesu obakon yo tagisi morapmi timikgwit. Paŋpulugaŋban gen yogokji uŋun tagisi, ae nandak nandak morapmi damgut. ⁶Uŋun da nak da Kristo dakon mibili dayigim uŋun ji da nandanŋek yol kimakgwit yaŋ nolisak. ⁷Do ji abisok Amin Taginin Yesu Kristo altaŋ teŋteŋokdisak uŋun do jomjom aŋek Telagi Wup dakon but galak dakon yo do wadak wadak dima aŋ. ⁸“Amin Taginin Yesu Kristo da ji paŋteban aŋakwan wigi mibi gildaron wigisak, aŋakwan Amin Taginin tobil apjak gildaron amin kinda da ji suŋ kinda awit yaŋ aripmi dima yoni. ⁹^bPiŋkop da yo morap ak do yagit uŋun aripmisi akdisak. Piŋkop da ji Monji Amin Taginin Yesu Kristo gat egip egipnikon kaloŋi egipni do yaŋ damgut.

Paŋmuwukbi wasenŋ kiwit

¹⁰“Not kabi, Amin Taginin Yesu Kristo da manon gen tebaisi dayiŋek yaŋ yosot, ji pidok pidok yipmanek but kaloŋ ani. But ae nandak nandakyo kaloŋi gin taŋakwa kabi kaloŋsi egipni.

¹¹Not kabi, Kloï da kabikon amin di da ji da binapmon pidok pidok taŋakwan ekwaŋ yaŋ nayiwit. ¹²^dNak mibili yaŋon da yosot, jikon da di da yaŋ yoŋ, “Nak Pol yoldat”, ae diwari da “Nak Apolos yoldat”, ae diwari da “Nak Pita yoldat”, ae diwari da “Nak Kristo yoldat” yaŋ yoŋ. ¹³Uŋun Kristo da wasenŋki morapmi agit? Bo nak Pol ji do aŋek tilak kindapmon kimakgim? Bo ji telagi pakbi Pol da manon da sowit? ¹⁴^eNak ji da binapmon Krispus gat Gaius gat bangin telagi pakbi soŋ yomgum. Amin di gat dima soŋ yomgum. Uŋun do nak Piŋkop ya yaŋ iyisat. ¹⁵Do amin kinda da “Nak Pol da manon telagi pakbi sogim” yaŋ aripmi dima yogogi. ¹⁶^f(Asi, nak amin kabi di gat kisi telagi pakbi soŋ yomgum. Uŋun Stepanas da yutnon egipgwit amin baŋ soŋ yomgum. Ae amin diwari gat soŋ yomgum bo dima, uŋun nak dima nandisat.) ¹⁷Kristo da nak amin telagi pakbi soŋ yobeŋ do dima yabekgit. Gen Bin Tagisi yaŋ teŋteŋokenŋ do yabekgit. Ae amin da miŋtim dakon nandanŋ kokwin tagisikon da gen yoŋ uŋudeŋ dima yosot. Yaŋ asat yaŋ Kristo dakon tilak kindapni yipbo tapmimi mini di aban.

^a 1.8 1Tes 3.13; 5.23 ^b 1.9 1Tes 5.24; 1Jn 1.3 ^c 1.10 Pil 2.2 ^d 1.12 Ya 18.24-28; 1Ko 3.4 ^e 1.14 Ya 18.8; Ro 16.23 ^f 1.16 1Ko 16.15

Kristo ujun Piŋkop dakon tapmim

^{18g}Amin pasildaŋ ujun da tilak kindap dakon gen ujun nandaŋ kokwini tagi dima amin dakon gen kinda yaŋ yoŋ. Mani miŋat aminyo nin Piŋkop da yokwikon baŋ timikgit amin nin da tilak kindap ujun Piŋkop dakon tapmim yaŋsi nandamaŋ. ^{19h}Piŋkop da papiakon yaŋ mandabi:

“Nak da nandaŋ kokwini kilegisi taŋ yomaŋ amin dakon nandaŋ kokwini kilegi paŋtasik akdisat.

Ae nandak nandakni toŋ amin dakon nandak nandakni wiririkgo pasil mudokdaŋ.”

²⁰ⁱDo nin abisok on miŋtim dakon nandaŋ kokwini tagisi amin dakon nandaŋ kokwini tagisi do niaŋsi yoneŋ? Ae Moses dakon gen teban dakon mibili nandak nandak amin do niaŋsi yoneŋ? Ae on miŋtim dakon gen yogok amin tagisi do niaŋsi yoneŋ? Piŋkop da on miŋtim dakon nandaŋ kokwin tagisi morap paŋupbal aban nandaŋ kokwini tagi dima amin dakon gen gin aŋ mudawit. ^{21j}Nido Piŋkop nandaŋ kokwini tagisikon da amin da iyi da nandak nandagon da Piŋkop nandaŋ imni do dima galak tagit. Nin da tilak kindap do yaŋ teŋteŋaŋapno amin da ujun do nandaŋ kokwini tagi dima amin dakon gen yaŋ yoŋ, mani amin da ujun gen nandaŋek nandaŋ gadaŋ imiŋakwa Piŋkop da ujun kosiron da yokwikon baŋ timit do nandagit. ²²Juda amin wasok tapmimi toŋ pindagek gen ujun bami yaŋ nandaŋ. Aŋakwa Amin ŋwakŋwari Kabi da nandaŋ kokwin tagisi pindat do nandaŋ.

^{23k}Mani nin Kristo tilak kindapmon aŋakba kimakgit dakon geni dayiŋ teŋteŋomaŋ. Aŋapno Juda amin da gen ujun do nin da dima galak taŋek abidogi gen kinda naŋ yoŋ yaŋ nandaŋ. Ae Amin ŋwakŋwari Kabi da gen ujun do nandaŋ kokwini tagi dima amin dakon gen kinda yaŋ nandaŋ. ^{24l}Mani Piŋkop da yaŋ ilikgit miŋat aminyo Amin ŋwakŋwari Kabi bo ae Juda amin nin, nin nandamaŋ, Kristo ujun Piŋkop dakon tapmim ae nandaŋ kokwini tagisi. ^{25m}Miŋtim amin da Piŋkop dakon nandak nandakni diwari ujun tagi dima yaŋ nandaŋ. Mani ujun nandak nandak da amin dakon nandaŋ kokwini tagisi yapmaŋ mudosok. Ae Piŋkop dakon aŋpak diwari da Piŋkop ujun tapmimni mini yaŋ nolisak yaŋ nandaŋ. Mani ujun aŋpakni ujun tapmimni madepsi, amin dakon tapmim yapmaŋ mudosok.

²⁶ⁿNot kabi, Piŋkop da yaŋ daban Yesu yolyol amin dagawit bisap do nandani. Jikon da morapmi miŋtim amin da dabilon nandaŋ kokwini

g 1.18 Ro 1.16 h 1.19 Ais 29.14 i 1.20 Jop 12.17; Ais 19.12; 33.18; 44.25

j 1.21 Mt 11.25 k 1.23 Ro 9.32; 1Ko 2.14 l 1.24 Kol 2.3 m 1.25 2Ko 13.4

n 1.26 Mt 11.25; Jem 2.5

tagisi mini da egipgwit. Ae jikon morapmi tapmimji mini da egipgwit. Ae jikon da morapmi amin man bini toŋ da kabikon nani dima. ²⁷Mani Piŋkop da amin manjigit uŋun miktim amin da dabilon nandaŋ kokwini tagi dima amin yaŋ pindakgwit amin baŋ manjigit. Yaŋ aŋek miktim dakon nandaŋ kokwini tagi amin paŋmayak agit. Ae Piŋkop da amin manjigit uŋun miktim amin da dabilon tapmimni mini yaŋ pindakgwit uŋun baŋ manjigit. Yaŋ aŋek miktim dakon amin tapmimni toŋ paŋmayak agit. ²⁸Piŋkop amin timit do on miktimon mani mini ae amin diwari da pindakba yo isalisi aŋ uŋun baŋ timikgit. Nido amin man madepni toŋ gat ae tapmimni toŋ gat pabiŋ yopban yo isali ani do nandagit. ²⁹Piŋkop da dabilon amin kinda da iyi dakon man aripmi dima awigisak yaŋ do yaŋ agit.

³⁰Piŋkop da iyi ji Yesu Kristo gat depgut da ekwaŋ. Aŋek Kristo yipgut da nin dakon nandaŋ kokwin tagisi dakon mibilisi egi nimisak. Ae Kristo obakon Piŋkop da nin paŋmilip aban miŋat aminyo kilegisi ae telagisi amaŋ. Ae Kristo da pi agit dogin aŋek Piŋkop da nin yumaŋ nagit, do yokwi da saŋbeŋek kilanin dima asak. ³¹Piŋkop da nin do yaŋsi agit, do Piŋkop gen papia da yosok uŋun da aripmon aneŋ. Yaŋ yosok:

“Amin kinda yo kinda do yo madepsi yaŋ nandaŋ do kaŋ, Amin Tagi dogin yo madepsi yaŋ nandaŋ imdo.”

Pol da Korin amin dakon nandaŋ gadat do yagit

2 ¹Not kabi, nak jikon obiŋek Piŋkop dakon geni pasili dayiŋ teŋteŋagim bisapmon, nandaŋ kokwini tagisi amin da gen madep mibili mibili yoŋ uŋudeŋ dima yagim. ²Nido ji gat egipgumaŋ bisapmon yo ŋwakŋwari di do nandaŋ nandaŋ dimasi agim. Yesu Kristo, ae tilak kindapmon kimot agit uŋun dogin nandagim. ³Nak ji gat egipgumaŋ bisapmon tapmimno mini. Nak pasalek madepsi nimnimikgim. ⁴Nak gen yagim gat ae Gen Bin Tagisi yaŋ teŋteŋagim uŋun nandaŋ kokwini tagisi amin da yoŋ uŋudeŋ nandaŋ nandaŋ madepno da ji dakon nandaŋ nandaŋ kulabik tagi asak yaŋon da dima yagim. Uŋun dimasi. Nak Telagi Wup dakon tapmim naŋ ji doligim. ⁵Yaŋ agim nido ji da amin dakon nandaŋ kokwini tagisi do nandaŋ gadani do dima galak tagim. Piŋkop dakon tapmim do nandaŋ gadaŋ imni do nandagim.

Telagi Wup da nandaŋ kokwin tagisi nimisak

⁶Mani Piŋkop dakon aŋpagon kili tagaŋ teban tawit aminon nandaŋ kokwin tagisi uŋudon yaŋ teŋteŋomaŋ. Uŋun nandaŋ kokwin tagisi uŋun miktim amin dakon nandaŋ kokwin tagisi yombem dima. Ae on miktim

° 1.29 Ep 2.9 P 1.30 Jer 23.5-6 ¶ 1.31 Jer 9.24 † 2.3 Ya 18.9; 2Ko 10.1

s 2.4 1Tes 1.5

dakon kila amin si pasildan unun dakon nandan kokwin tagisi yombem dima. ⁷Nin Pinjkop dakon nandan kokwini tagisi ban yan tetetjok aman. Pinjkop yo morap dima wasagit bisapmon nandan kokwini tagisikon da Kwen Kokup iyi gat tilimnikon egipneŋ do kosit kili yipgut. Mani unun kosit dakon geni pasili tagit. ⁸Aŋakwan on miktim dakon kila amin kinda da dima nandan pisagit. Nandan pisawit tam, Kwen Kokup Amin Taginin tilimni tagisi unun tilak kindapmon aripmi dima aŋakbam. ⁹Mani, Pinjkop da papiakon gen unun do yan yosok:

“Yo kalip dabil da dima pindakgwit,
 ae miragon da dima nandawit,
 ae nandak nandagon dima noman tanbi,
 unun Pinjkop but dasi galak tan iman amin do paŋnoman agit.”

¹⁰Unun dakon geni pasili tawit, mani iyi dakon Wupni da nin do paŋalon an nimgut. Telagi Wup da yo morap kisi pakyaŋsi pindak mudosok, ae Pinjkop dakon nandak nandakni pasili kisi pindakdak. ¹¹Amin kinda da amin notni dakon nandak nandak aripmi dima pindatjak. Amin unun dakon wupni butnigwan yikdak unun daŋin pindakdak. Yanŋin, amin kinda da Pinjkop dakon nandak nandak aripmi dima pindatjak. Pinjkop iyi dakon Wupni da iyi gin kaŋ nandanjo asak. ¹²Nin on miktim dakon nandak nandak ban dima timikgiman. Nin Pinjkop da butgalak do yo morap nimisak unun nandan pisonen do Wup Pinjkopmon da apgut unun nan abidagiman. ¹³Nin unun but galak dakon yo do yan tetetjok aman. Mani genin amin nandan kokwini tagisikon da dima yomaŋ, Telagi Wup da iyi niyiŋ dekban unun ban yomaŋ. Telagi Wupni toŋ amin do Telagi Wup dakon gen yoyiŋ tetetjomaŋ. ¹⁴Mani Telagi Wupni mini amin Pinjkop dakon Wupni da yo nimisak unun do nandan kokwini tagi dima amin dakon gen yan nandan, ae aripmi dima nandan pisoni, nido Telagi Wupni toŋ amin daŋin unun yo kokwinigek pakyaŋsi pindak nandanjo an. ¹⁵Telagi Wupni toŋ amin da yo morap kisi kokwinik pindakgaŋ. Mani amin diwari da Telagi Wupni toŋ amin dakon anpak kokwin aripmi dima ani. ¹⁶“Pinjkop da papiakon gen yan tosok:

“Namin da Amin Tagi dakon nandak nandak pindak nandanjo asak do Amin Tagi tagi iyidetjak?”

Mani Kristo dakon nandak nandak ninon tosok.

Paŋmuwukbi dakon pi amin unun Pinjkop dakon pi amini

3 ¹Not kabi, nak kalip ji gat egipgumaŋ bisapmon gen dayigim unun Telagi Wup yolgaŋ amin yoyisat unun da aripmon dima dayigim. Amin but kalip anpak aŋakwa yoyisat unun da tilagon dayigim. Unun bisapmon ji Kristo da anpaŋon amin moniŋ da tilagon egipgwit. ²“Nak

† 2.9 Ais 64.4 † 2.16 Ais 40.13 † 3.2 Ibr 5.12-13; 1Pi 2.2

mum dabo nawit. Jap tebai baŋ dima damgum, nido ji jap tebai timit do dima tagap tawit. Abisok yo kisi jap tebai timit do dima tagap toŋ, ³ nido ji but kalip dakon aŋpak sigin yolgaŋ. Asi, notji do nandaba yokwi tok aŋek gen emat agak uŋun jikon sigin tosok. Ji uŋun aŋpak aŋ uŋun but kalip dakon aŋpak baŋ aŋ. Ji on miktim dakon aŋpak gin aŋ. ⁴ *Kinda da yaŋ yosok, “Nak Pol yoldat” ae kinda da “Nak Apolos yoldat” yaŋ yosok. Uŋun aŋpak aŋek miktim amin da yaŋ ekwaŋ.

⁵ ^v Ji pakyaŋsi nandani. Apolos uŋun namin? Ae nak Pol uŋun namin? Nit pi amin gin. Amin Tagi da nit do pi ŋwakŋwat ŋwakŋwat nimgut. Aban nit pi uŋun ando ji Kristo nandaŋ gadaŋ imgwit. ⁶ Nak jap yet kwaokgim. Aŋapbo Apolos da pakbi yomgut. Mani Piŋkop da jap bami paŋalon agit. ⁷ Do jap yet kwaokgit amin mani mini, ae pakbi yomgut amin kisi mani mini. Piŋkop da iyi jap bami paŋalon asak, do uŋun kalonŋin mani toŋ. ⁸ ^z Jap yet kwaokdak amin gat ae pakbi yomisak amin gat uŋun kisi bamot Piŋkop dakon pi naŋgin amal. Do kisi bamot pi agimal da aripmon tomni timik timik akdamal. ⁹ Nit Piŋkop gat pi kalonŋi amaŋ. Ae ji Piŋkop dakon pigagani. Ji Piŋkop dakon yutni.

Paŋmuwukbi dakon pi amin uŋun kisit kilda yombem

¹⁰ Piŋkop da nandaŋ yawotni do aŋek nak kisit kilda nandak nandakni tagisi yombem kinda naŋ manjigit. Aban yut ak do gwak magim. Aŋapbo amin diwari da yut uŋun gwak magimon witjaŋ. Mani miŋat aminyo morap kalon kalon yut uŋun aŋ uŋun pakyaŋsi kaŋ kimagek witjini. ¹¹ ^a Amin kinda da gwak ŋwakŋwari kinda dimasi mosak. Yesu Kristo kalon naŋ gin Piŋkop da gwak teban kili magit. ¹² Amin da uŋun gwak da kwenon yut witjini bisapmon diwari da gol baŋ akdaŋ, ae diwari da silwa baŋ, ae diwari da tip tomni wukwisi baŋ, ae diwari da kindap baŋ, ae diwari da gurik baŋ, ae diwari da wit dakon obi baŋ akdaŋ. ¹³ ^b Don Piŋkop da miŋat aminyo gen pikon yop do bisap yipguron amin da pi morap awit dakon mibili teŋteŋokdisak. Uŋun bisap kindap da yaŋ noman taŋek amin morap kalon kalon pi tagi awit bo dima yaŋ do aŋkilik kokdisak. ¹⁴ Amin kinda uŋun gwak kwenon yut agit, uŋun dima sosak kaŋ, pi amin uŋun tomni tagisi timitdisak. ¹⁵ Mani pi amin kinda dakon yut wagil soŋ mudosak kaŋ, uŋun amin pi agit dakon tomni pasil imdisak. Pi amin iyi yokwi da kisiron da pulugaŋ kikdisak, mani uŋun amin kindapmon naŋ abidomaŋ yombem da egipjak.

^w 3.3 1Ko 1.10-11 ^x 3.4 1Ko 1.12 ^y 3.5-6 Ya 18.4,11,27-28 ^z 3.8-9 Mt 16.27;
Ep 2.20-22 ^a 3.11 Ais 28.16; 1Pi 2.4-6 ^b 3.13 1Ko 4.5

Ji Piŋkop dakon yut

¹⁶ c Ji Piŋkop dakon telagi yutni, ae Piŋkop dakon Wupni jikon egisak. Uŋun dima nandan, ma? ¹⁷ Amin kindi Piŋkop dakon telagi yut anjasik asak kaŋ, Piŋkop da uŋun amin anjasik akdisak. Nido, Piŋkop dakon telagi yut uŋun telagisi. Telagi yut uŋun ji.

Nin amin dakon man dima pawigineŋ

¹⁸ Ji disi baŋ di paŋkewalbam. Amin kindi ji da binapmon miktim dakon yo morap kisi nandan mudosot yaŋ nandanek “Nak nandan kokwino tagisi” yaŋ yosak kaŋ, uŋun amin on miktim dakon nandan kokwini tagisi uŋun si yopmanek nandan kokwini tagisi amin tagi dagosak. ¹⁹ d Nido, on miktim dakon nandan kokwin tagisi morap uŋun Piŋkop da pindakban nandan kokwin tagi dima aŋ. Piŋkop da papiakon uŋun do yaŋ yosok:

“Amin iyi do nak nandan kokwino tagisi yaŋ nandan amin uŋun Piŋkop da iyi pat yopmangaŋon yopban yokwalba timikdak.”

²⁰ e Ae Piŋkop dakon papi da yaŋ yo kisi yosok:

“Piŋkop da nandan kokwini tagisi amin dakon nandak nandakni kisi pindak mudosok.

Ae yo morap ak do nandan uŋun aripmi dima aba noman tokdaŋ yaŋ nandisak.”

²¹ Do ji amin dakon man paukwaŋ uŋun yipmaŋ mudoni. Yo morap ji dakon. ²² Pol, bo Apolos, bo Pita, bo on miktim, bo egip egip, bo kimot, bo yo morap abisok toŋ, bo yo don noman tokdaŋ, uŋun yo morap ji dakon. ²³ Ae ji Kristo dakon, ae Kristo uŋun Piŋkop dakon.

Amin Tagi da iyi pi amin kokwin asak

4 ¹ Ji da nin do Kristo dakon pi amini yaŋ nandan nimni, ae Piŋkop dakon geni pasili kilani tagisi aŋek yaŋ tenjenok dakon pi ninon tosoke yaŋ nandan nimni. ² f Ae yaŋsi nandani, amin kindi madepni dakon pi asak, uŋun amin madepni dakon gen kagimansi guramitjak. ³ Do ji nak dakon aŋpak kokwin ani, bo amin da gen pikon nak dakon aŋpak kokwin ak do nandan kaŋ, nak uŋun do nandaba kikjok kindi dima asat. Nak nagayo kisi aŋpakno kokwin dima asat. ⁴ Asi, nak naga butnokon yo kindi dima tosoke yaŋ nandisat. Mani nak naga do amin kilegi yaŋ aripmi dima yokeŋ. Nak dakon aŋpak kokwin ak do Amin Tagi dagaŋ asak. ⁵ g Gen pi bisap dima abik, do amin diwari dakon aŋpak kokwin dima ani. Ji Amin Tagi aŋpak bisap do jomjom ani. Uŋun da yo morap pilin

c 3.16 1Ko 6.19; 2Ko 6.16 d 3.19 Jop 5.13 e 3.20 Kap 94.11 f 4.2 Lk 12.42
g 4.5 1Ko 3.8

tukgwan pasili toŋ uŋun timik tenŋenikon yopdisak. Aŋek amin morap dakon nandak nandak pasili toŋ uŋun noman paŋalon akdisak. Uŋun bisapmon Piŋkop da amin morap kalon kalon pi tagi awit uŋun do mani pawigikdisak.

Korin amin da iyi dakon mani pawigiwit

⁶Not kabi, nak ji dakon nandak nandak paŋpulugok do aŋek Apolos gat nit do gen on dayisat. Ji nit do nandaŋek aŋpak kilegi Piŋkop gen papia da yosok uŋun gin yolni. Yaŋ aŋek piŋbit tidok aŋek amin kinda awigek ae kinda dima abiŋ yipni. ⁷Not, gak amin diwari yapmaŋdal yaŋ nandisak, ma? Gak Piŋkopmon yo tagisi kinda dima abidagil, ma? Asi, gak Piŋkopmon yo morap timikgil, mani yo morap uŋun gaga paŋalon agil da yaŋ gaga dakon man nido awigisak?

⁸Yo si galak toŋ uŋun aripninon tugaŋ yaŋ nandaŋ, ma? Ji yo ireŋ amin kili dagaŋ mudaŋ da tagisi ekwamaŋ yaŋ nandaŋ, ma? Ae nin ŋwapmaŋek kila amin madep dagamaŋ yaŋ nandaŋ, ma? O bupmisi. Nin ji da kila amin madep bamisi ekwa ninyo kisi ji gat kila amin madep gin egip do nandamaŋ. ⁹Mani Piŋkop da yabekbi nin baŋ mibi amin nipgut yaŋ nandisak. Nin gen pikon nipmaŋek miŋat amin morap da dabilon ae aŋelo da dabilon kimotneŋ do yaŋ dagok aŋ nibi yombem da ekwamaŋ. ¹⁰Nin Kristo man madep im do nandaŋ kokwini tagi dima amin yombem da ekwamaŋ, mani ji Kristokon gadawit do nandaŋ kokwini tagisi amin ekwaŋ, ma? Nin tapmimnin mini aŋakwa ji da uŋun tapmimji toŋ, ma? Nin manin mini aŋakwa ji da uŋun man madepji toŋ, ma? ¹¹Kaliŋ da wiŋ abisok ekwamaŋon nin jap do amaŋ, ae pakbi do amaŋ, ae imal garaŋisi baŋ pamaŋ, ae amin da nindapmaŋgaŋ, ae nin da tagi egipneŋ kokup mini. ¹²^kNin kisitnin da pi madepsi amaŋ. Nin da jobit paneŋ do yoŋ, mani Piŋkop da yo tagi aŋyomjak do bisit iyamaŋ. Nin do yo yokwisi aŋ nimiaŋakwa yaworisi egek jigi uŋun guramikgamaŋ. ¹³Gen gireŋ niyiŋba gen tagisi baŋ yoyamaŋ. Miŋat aminyo da dabilon nin sibiŋ sibiŋ iŋanisi amin da maba kwaŋ uŋun yombem. Yaŋ dagin egapno wik da wisak.

Pol da Korin amin iyi dakon aŋpak yolni do nandisak

¹⁴Nak ji mayagi dam do gen on dima mandisat. Ji monji gwayono but dasi galak taŋ damisat, do nawa gen on dayisat. ¹⁵^lJikon amin morapmisi da Kristokon tagisi egipni do oman aŋ damaŋek kilasi tagi ani, mani datji morapmi dima. Gen Bin Tagisi dayiŋ tenŋenagim bisapmon Yesu Kristokon datji dagagim. ¹⁶^mYaŋdo, nak dakon aŋpak pakyaŋsi yolni.

^h 4.6 Ro 12.3 ⁱ 4.7 Ro 12.6 ^j 4.11 2Ko 11.23-27 ^k 4.12 Mt 5.44; 2Tes 3.8
^l 4.15 Gal 4.19 ^m 4.16 Pil 3.17

17ⁿUņun dogin aņek Timoti yabekgo jikon opgut. Uņun nak dakon monjino but dasi galaktaņ imisat. Uņun Amin Tagi dakon pi kilani tagisi asak. Uņun da ji paņtagap aban nak da Kristo gat gadaj kimagek kokupmi kokupmi paņmuwukbi morap aņpak yolni do yoyiņ dekgim uņun do ae nandaba pisoni do dayisak.

18 Jikon amin diwari nak dima opdisat yaņ nandaņek kwen wigik aņ. 19 Mani nak Amin Tagi da galak tosağon jikon tepmisi opdisat. Opbeņ bisapmon kwen wigik aņ amin dakon gen nandak do aņek dima opdisat. Ni tapmim da taņ yomisak uņun pindak nandaņyo ak do opdisat.

20ⁿNido, Piņkop dakon Amin Kila Agakni uņun gen gin yogok dakon yo dima. Uņun tapmim dakon yo. 21 Do nibaņ abeņ do nandaņ? Si baljaņek paņkilek ak do opbeņ do nandaņ? Bo but dasi galaktaņ damaņek aņpak yaworisi aņdabeņ do nandaņ?

Yesu yolyol amin aņpak yokwi bikbiknikon toņ uņun paņmilip aņ mudoni

(Kilapmi 5–6)

Korin paņmuwukbikon yumabi aņpak tosoğ

5 1^pJikon yumabi aņpak ņwakaņwari kinda tosoğ dakon geni nandagim. Uņun aņpak Piņkop dima nandaņ imañ amin da dima aņ. Uņun amin kinda da meņi kimagakwan datni da miņat kalik pagit uņun gat pokgomal. 2 Aņakwan ji disi do yo madep yaņ nandaņek amin diwari yapmaņ mudomaņ yaņ nandaņ, ma? Ji bupmi nandaņek kunam tatni. Yokwi agit amin uņun yolba kiņakwan ji da bikbigon saņbeņek dima egipjak.

3^qAsi, nak ji da dubagikon egisat, mani butnokon da ji gat egisat. Aņek nak naga uņun dakon aņpak kili kokwinikgim. 4 Yaņ do aņek yaņ yosot, Amin Tagiņin Yesu da manon muwut muwut kinda abidoni. Aņakwa Yesu Amin Tagiņin dakon tapmim jikon tosoğ, ae nak butnokon da ji gat egipbeņ. 5^rAņek uņun amin Sunduk da kisiron yipba giptimni aņtasik asak. Yaņ aba Amin Tagi dakon bisap madepmon Piņkop da uņun amin dakon wupni yokwikon naņ tagi abidosak.

Aņpak yokwi aņ amin yol mudoni

6^sJi disi dakon man paukwaņ, uņun aņpak tagi dima. Yis kaloņisok di da bret kisi paņpap aņ, ji uņun dima nandaņ, ma? 7^tDo ji yis kalipmi wiririkba kiņ mudoni, aņakwa bret kalugi yisni mini da yaņ egipni. Nak

ⁿ 4.17 Ya 19.22 ^o 4.20 1Ko 2.4 ^p 5.1 MS 18.7-8; GT 22.30 ^q 5.3 Kol 2.5

^r 5.5 1Ti 1.20 ^s 5.6 Gal 5.9 ^t 5.7 Ais 53.7; 1Pi 1.19

nandisat, ji bret yisni mini yombem da ekwan, nido Kristo nan Yapyap Bilak do Sipsip mukwa sosonj unjudej nin dakon diwarinin mudoni do kili sonjbi. ⁸ "Do kisik kisik anjek bisap madep dakon jap noknok anej. Mani bret kalipmi yisni tonj banj dima nonoj, nin bret kalugi banj nonoj. Bret kalipmi unjun anpak yokwi morap dakon tilak asak, anjakwan bret kalugi unjun but kilegisi ae gen bamisi dakon tilak asak.

⁹ Nak papia mandanj dangum bisapmon yanj yagim, "Ji yumabi anpak anj amin gat kisi dima egipni." ¹⁰ Miktim amin morap yumabi anj, bo ae amin dakon yo do pindak galaktok anjek kabo noj, bo ae kokup kidat gawak yomanj amin si yopmanj dek mudoni yanjon da dima yagim. Ji unjuden amin yopmanjdet do nandanj kanj, on miktim wagil yipmanjdetni. ¹¹ "Mani gen mandagim dakon mibili unjun yanj: Amin kinda Kristo dakon man panjek yumabi anpak asak, bo amin dakon yo do pindak galaktok asak, bo kokup kidat gawak yomisak, bo amin do yanba yokwi tok asak, bo pakbi teban nanjek but upbal asak, bo amin dakon yo kabo timikdak kanj, ji unjun amin gat kalonji dima egipni. Ae unjun gat jap pakbiyo kalonji dima ani. ¹² Nak panmuwukbi da wanga ekwan amin dakon anpakni kokwin ak do pi dima asat. Mani panmuwukbi kokwin agak dakon pi ji da agagisi. ¹³ "Panmuwukbi da wanga akganj amin Pinjkop da iyi kokwin akdisak. Mani Pinjkop gen papia da yanj yosok:

"Amin yokwi yolba ji da bikbigon dimasi egipjak."

Panmuwukbi notji gen pikon dima yopni

6 ¹ Jikon amin kinda amin kinda gat gen tonj bisapmon nido panmuwukbi dakon pi amin si yapmanjek Pinjkop dima nandanj imanj kabi dakon pi aminon kwanj? Unjudej ak do pasol pasolji mini, ma? ² *Pinjkop dakon minjat aminyo nin da miktimon minjat amin morapyo dakon anpakni kokwin akdamanj, ji unjun dima nandanj, ma? Ae nin da kokwin yanj akdamanj kanj, ji gen moninjisok binapjikon noman tonj disi kokwin aripmi dima ani, ma? ³ Nin anjelo yo kisi dakon anpak kokwin akdamanj, ji unjun dima nandanj, ma? Nin da kokwin yanj akdamanj, do on miktim dakon yo morap kokwin aripmi tagi anej. ⁴ Yanjo, jikon jigis noman tonj bisapmon panmuwukbikon dima sanbenjbi ae panmuwukbi da dabilon mani mini aminon jigisi unjudon nido panjkwanj? ⁵ Gen on ji panmayak ak do dayisat. Panmuwukbi jikon amin bamorikon geni tonj bisapmon amin kinda nandanj kokwini tagisi anjek panmilip asak dakon amin kinda dima egisak, ma? ⁶ Mani ji da notji nandanj gadat dima anj amin da dabilon panji gen yanj yomanj. Unjun tagi dima!

⁷ Ji gen pikon kwanj unjun da ji Kristo tagi dima yolganj yanj nolisak. Ji yum pindagakwa yokwi andamni kanj tagi. Ae yum pindagakwa yo

u 5.8 GT 16.3 v 5.11 2Tes 3.6; Tit 3.10 w 5.13 GT 13.5; 17.7 x 6.2 PA 20.4

kabisi timitni kaŋ tagi. ⁸Mani yaŋ dima aŋ. Ji disi paŋmuwukbi notji baŋ paŋkewalek yokwi anyomaŋ.

⁹Yokwi aŋ amin uŋun Piŋkop da Amin Kila Asak da kagagwan dima pigikdaŋ, uŋun dima nandaŋ, ma? Ji disi baŋ di paŋkewalbam. Amin yumabi aŋpak mibili mibili aŋ, ae kokup kidat do gawat gawat aŋ, ae wili da wili notni gat yumabi aŋpak mibili mibili aŋ, ¹⁰ae kabo noŋ amin, ae yo morapmi timit do but kindap paŋ amin, ae pakbi teban naŋek but upbal aŋ amin, ae amin do yaŋba yokwi tok aŋ amin, ae topmon da amin dakon yo timikgaŋ amin, uŋuden amin Piŋkop da Amin Kila Asak da kagagwan dima pigikdaŋ. ¹¹Ji kabikon diwari kalip uŋuden amin egipgwit. Mani Piŋkop da sugaŋ paŋmilip aban iyi dakon miŋat amin kabi dagawit. Amin Tagi Yesu Kristo da manon, ae Piŋkop dakon Wup da tapmimon Piŋkop da ji paŋmilip aban iyi da dabilon miŋat aminyo kilegisi awit.

Giptimnin uŋun Telagi Wup dakon yutni

¹²“Amin diwari da yaŋ yoŋ, “Yo morap tagi agagi.” Gen uŋun bami, mani yo diwari da amin tagi dima paŋpulgogi. Yo morap tagi agagi, mani yo kinda dakon oman amini dima egipbeŋ. ¹³^bAe amin diwari da yaŋ yoŋ, “Jap uŋun kwasop dakon, ae kwasop uŋun jap dakon tamo.” Gen uŋun bami, mani Piŋkop da kisi bamot yaŋban pasildamal. Giptimnin uŋun yumabi aneŋ do dima tosok, uŋun Piŋkop dakon pi aneŋ do tosok. Aŋakwan Piŋkop uŋun giptimnin kila asak. ¹⁴“Piŋkop da Amin Tagi kimoron naŋ aban pidagit, ae iyi da tapmimon nin dakon giptimnin paban pidokdaŋ. ¹⁵^dGiptimji uŋun Kristo dakon giptim diwatni uŋun dima nandaŋ, ma? Do nak Kristo dakon giptim diwatni kosit miŋaron saŋbekeŋ kaŋ uŋun tagi, ma? Uŋun dimasi! ¹⁶^eAmin kinda kosit miŋaron saŋbesak uŋun gat giptim kaloŋ amal, ji uŋun dima nandaŋ, ma? Piŋkop gen papia da uŋun do yaŋ yosok:

“Bamori da giptim kaloŋ anjil.”

¹⁷^fMani amin kinda Amin Tagikon saŋbesak kaŋ, wupmon bamori da kaloŋi amal. ¹⁸Ji yumabi aŋpak yipmaŋek pasal kiŋ mudoni. Yokwi diwari amin da aŋ uŋun giptim da waŋga aŋ, mani yumabi aŋpak asak amin iyi dakon giptim naŋ aŋupbal asak. ¹⁹Giptimji uŋun Telagi Wup dakon telagi yut madepni, ji uŋun dima nandaŋ, ma? Piŋkop Wupni kili damgut, uŋun ji da butgwan egisak. Gak gaga dogin dima egisal. ²⁰^gPiŋkop da ji yumaŋ nagit, do yo morap giptim da ani uŋun Piŋkop man madep im do ani.

y 6.9-10 Gal 5.19-21; Ep 5.5; PA 22.15 z 6.11 Tit 3.3-7 a 6.12 1Ko 10.23

b 6.13 1Tes 4.3-5 c 6.14 Ro 8.11; 1Ko 15.20; 2Ko 4.14 d 6.15 Ep 5.30 e 6.16 Mt 19.5

f 6.17 Jn 17.21-23; Ro 8.9-11 g 6.20 1Ko 7.23; 1Pi 1.18-19

Pol da miñat eyo do yagit

(Kilapmi 7)

7 ¹Ji da papiakon gen mandañ namgwit uñun dakon kobogi abisok mandañ dabeñ. Amin kinda miñat dima pasak kañ uñun tagi. ²Mani yumabi aņpak madepsi tosok, do wili ji kalon kalon miñatni ton da egipni, ae miñat kalon kalon ji esi ton da egipni kañ tagisi. ³Wili giptimni dima kutnosak, ae yañ gin miñat giptimni dima kutnosak. ⁴Miñat dakon giptim tim uñun iyi dakon dima, uñun eni dakon. Ae wili dakon giptim tim uñun iyi dakon dima, uñun miñatni dakon. ⁵Do kinda da giptim timni dima aņkutnosak. Jil bisap pisipmi dima pagek bisit pi ak do but kalon amal kañ uñun tagi. Mani don giptimjil ae pañmuwutjil. Giptimjil dakon galaktok kilani tagi dima abal Sunduk da di paņkewalban. ⁶Nak gen on ji paņpulugok dogin yosot. Uñun da gen teban kinda dima asak. ⁷Amin morap da nak yombem miñat eyo dima aņek egipni kañ tagi. Mani Piņkop da but galak dakon yo mibili mibili amin do yomisak. Kinda miñat eyo asak do imisak, ae kinda isal egipjak do imisak.

⁸Miñat eyoni mini amin gat, ae sakwabat gat do yañ yosot. Ji nak yombem isal egipni kañ uñun tagi. ⁹^hMani giptim dakon galaktok kilani aripmi dima ani kañ, miñat eyo agagisi. Miñat eyo dima aņek yumabi di abam.

¹⁰ⁱMiñat eyo kili abi do gen teban on damisat. Uñun nak dakon gen teban dima, uñun Amin Tagi dakon gen teban. Uñun yañ: miñat da eni dima yipmañdetjak. ¹¹Mani eni yipmañdetjak kañ isal egipjak, bo tobil kwan eni gat but kalon anjil. Ae eni miñatni dima kwinitjak.

¹²Ae amin diwari do yañ yosot. Gen on Amin Tagi dakon dima, naga yañ yosot. Kristo yolyol amin not kinda miñatni nandañ gadat dima asak, mani eni gat egip do nandisak kañ, miñatni dima kwinitjak. ¹³Ae Kristo yolyol miñat kinda eni nandañ gadat dima asak, mani miñatni gat egip do nandisak kañ, eni dima yipmañdetjak. ¹⁴Nido eni nandañ gadat dima asak mani miñatni do aņek eni uñun telagi. Ae miñatni nandañ gadat dima asak mani eni do aņek miñatni uñun telagi. Yañ dima tam miñat monjyosi uñun telagi dima. Mani abisok uñun telagi. ¹⁵^jMani miñat bo wili kinda nandañ gadat dima aņek wasen kık do nandisak kañ, yañ tagi anjil. Nandañ gadat asak amin nandañ gadat dima asak amin gat sigin egipjil dakon gen teban kinda dima tosok. Nido Piņkop da nin notnin gat but yaworon da egipneñ do nandisak. ¹⁶^kMiñat ji esi yokwikon bañ timitdañ bo dima, ji uñun dima nandañ. Ae wili ji miñatji yokwikon bañ timitdañ bo dima, jiyo kisi uñun dima nandañ.

^h 7.9 1Ti 5.14 ⁱ 7.10 Mt 5.32 ^j 7.15 Ro 14.19 ^k 7.16 1Pi 3.1

Piŋkop da niaŋ egipneŋ do tilak agit uŋun da aripmon gin egipneŋ

¹⁷Nin kalonŋ kalonŋ Piŋkop da niaŋ egipneŋ do tilak agit uŋun da aripmon egipneŋ. Piŋkop da wasok wasok yaŋ nimgut bisapmon niaŋ egipgumaŋ uŋun da aripmon gin egipneŋ. Nak paŋmuwukbi morap do gen teban on yipmaŋdat. ¹⁸Wili kinda giptimni mandabi da don Piŋkop da yaŋ ilikgit kaŋ, dima mandabi yaŋ koni dakon pi dima asak. Ae wili kinda giptimni dima mandabi da don Piŋkop da yaŋ ilikgit kaŋ, giptimni dima mandisak. ¹⁹^lNido giptim mandabi bo dima mandabi uŋun yo isali. Yo madep uŋun Piŋkop dakon gen teban guramitneŋ. ²⁰Piŋkop da yaŋ nimgut bisapmon niaŋ egipgumaŋ uŋun da aripmon gin egipneŋ. ²¹Oman amin egaki yaŋ gamgut kaŋ, nandaba kik dima aki. Mani pulugaŋ kiki dakon kosit pisaŋ gaban kaŋ, uŋun naŋ yolgi. ²²^mNido amin kinda oman amin egakwan Amin Tagi da yaŋ ilikgit kaŋ, uŋun amin Amin Tagi da dabilon pulugaŋbi da egisak. Ae yaŋ gin amin kinda pulugaŋbi da egakwan Amin Tagi da yaŋ ilikgit kaŋ, uŋun abisok Kristo dakon oman amini egisak. ²³Piŋkop da ji yumaŋ naŋ depgut, do ji Piŋkop dakon galaktok yipmaŋek amin dakon galaktok yoldo nandak nandak dima ani. ²⁴Not kabi, Piŋkop da yaŋ ilikgit bisapmon niaŋ egipgwit uŋun da aripmon Piŋkop gat egipni.

Pol da miŋat eyo dima awit amin do gen yipgut

²⁵Nak miŋat eyo dima awit amin do Amin Tagi dakon gen teban kinda tosok do dima dayikdisat. Mani naga dakon nandak nandak baŋ yokdisat, nido Amin Tagi da bupmi nandaŋ namiŋek aŋtagap aban gen bami yogok amin dagagim. ²⁶On bisapmon jigi morapmi noman toŋ, do ji niaŋ ekwaŋ yaŋ gin egipni kaŋ tagi. ²⁷Gak miŋat pagil kaŋ, uŋun kwinit do kosit wisik dima aki. Ae miŋat dima pagil kaŋ, miŋat pak do dima nandaki. ²⁸Mani miŋat kinda paki kaŋ, uŋun yokwi dima asal. Ae miŋatjok kinda amin kinda pasak kaŋ, uŋun yokwi dima asak. Mani miŋat aminyo miŋat eyo aŋ uŋun egip egipnikon jigi morapmi pakdaŋ. Jigi uŋun pani do dima galak tosot.

²⁹Not kabi, yaŋ do nandaŋek yosot. Bisap kili kwaŋ tosok, do miŋatni toŋ amin uŋun miŋatni mini yombem da egek Yesu yol kimagek egipni. ³⁰Ae kunam yaŋ tidaneŋ takgaŋ amin uŋun kunam dima takgaŋ yombem da egipni. Ae kisik kisik aŋ amin kisik kisik dima aŋ yombem da egipni. Ae yo yumaŋ nok aŋ amin yoni mini yombem da egipni. ³¹ⁿAe on miktim dakon yo timigeŋ pi aŋ amin uŋun yo morap pindakba egip egipnikon yo madep dima ani. Nido bisap dubak dima on miktim gat yo morapni gat pasildaŋ.

^l 7.19 Ro 2.25; Gal 5.6; 6.15 ^m 7.22 Plm 16; 1Pi 2.16 ⁿ 7.31 1Jn 2.17

³²Ji on miktim dakon yo do nandaba kik ani do dima nandisat. Miñat dima pagit amin uñun Amin Tagi dakon pi dogin nandisak, ae Piñkop dakon galaktok yol do nandisak. ³³Mani miñat pagit amin on miktim dakon yo do nandaba kik asak, ae miñatni dakon galaktok yol do nandisak, ³⁴do nandak nandakni bamori kisi tomal. Ae miñatjok ae sakwabat ae miñat eni da kwiniñki uñun Amin Tagi dakon pi do nandañ. Uñun wupni ae giptimni Piñkop do paregek telagi egip do nandañ. Mani miñat amin pagit on miktim dakon yo do nandaba kik asak, ae eni dakon galaktok yol do nandisak. ³⁵Ji pañpulugoko tagisi egipni do gen on yosot. Yañsop añdam do dima yosot. Ji da añpak kilegi añek yo diwari yopmañek bisapmi bisapmi Amin Tagi dakon pi dogin nandani do nandisat.

³⁶Amin kinda miñatjok kinda pasak do manjiñ imgwit uñun dima pañek bisap dubak egek uñun do añpak tagi dima asat yañ nandisak, bo ae uñun miñatjok pakdosi nandisak, bo ae giptim dakon galaktok kila aripmi dima agi yañ nandisak kañ, iyi dakon galaktok yolek miñat uñun tagi pasak. Uñun da yokwi dima asak. ³⁷Mani amin kinda miñatjok kinda pasak do manjiñ imgwit uñun butnikon da dima pakeñ yañsi nandisak, ae amin da pasak dosi dima iyañ, ae iyi dakon giptim dakon galaktok kila tagi abeñ yañ nandisak kañ, miñat uñun dima pasak. Uñun da tagi asak. ³⁸Do amin uñun miñatjok uñun pasak kañ, uñun añpak tagi asak. Mani dima pasak kañ, uñun da wagil tagisi asak.

³⁹^oMiñat kinda eni sigin egakwan miñat uñun eni tagi dima yipmañ deri. Mani eni kimotjak kañ, galaktokni yolek amin kaluk tagi pasak. Mani Amin Tagi nandañ gadañ imjak amin kinda nañ pasak. ⁴⁰Mani naga yañ nandisat, amin dima pasak kañ, kisik kisik egipdisak. Piñkop dakon Wup da nakyu kisi añtagap aban gen on yosot yañsi nandisat.

Bit kilapyo kokup kidat do parekbi dakon gen

8 ¹^pNak abisok bit kilapyo kokup kidat do parekbi uñun dakon geni yokdisat. Nin kisi morap nandak nandaknin toñ, yañ nandamañ. Nandak nandak uñun da kwen wigik añpak pañalon asak, mani but dasi galak tañ yomyom añpak da pañmuwukbi pañteban asak. ²^qAmin kinda yo kinda do nak pakyañsi nandañ mudosot yañ nandisak kañ, nandak nandakni aripmi dima. ³Mani amin kinda Piñkop do but dasi galak tañ imisak kañ, Piñkop da uñun amin pakyañsi nandañ imisak.

⁴^rYañdo, bit kilapyo kokup kidat do parekbi uñun tagi noneñ bo dima? Nin nandamañ, kokup kidat dakon wupmi uñun yo bami kinda dima, ae Piñkop morapmi dima ekwañ, kaloñi kinda dagin egisak. ⁵Amin morapmi da Kwen Kokupmon ae miktimon piñkop morapmi ae amin tagi

° 7.39 Ro 7.2-3 p 8.1 Ya 15.29 q 8.2 Gal 6.3 r 8.4 GT 4.39; 6.4; Gal 4.8

morapmi ekwan yan nandaŋ. ⁶Mani nin nandaman, Piŋkop kalonji kinda daŋin egisak, unun Datnin. Unun da yo morap wasagit, ae unun daŋin egip egip nimisak. Ae Amin Tagi kalonji kinda gin egisak unun Yesu Kristo. Piŋkop da Yesu obakon da yo morap wasagit, ae unun obakon da gin nin morap kisi egip egip ningut.

⁷Mani Yesu yolyol amin diwari unun dima kaŋba pisagit. Diwari kalip kokup kidat gawak yomgwit, do abisok kokup kidat unun yo bamisi kinda yan nandaŋek jap kokup kidat do parekbi unun noŋ bisapmon burikon da gulusuŋ aman yan nandaŋ. ⁸Mani jap nianen di baŋ noman unun da nin Piŋkop da kapmatjok aripmi dima paŋkisak. Jap unun dima noneŋ kaŋ, Piŋkop da dabilon unun gulusuŋ kinda dima asak. Ae jap unun noneŋ kaŋ, Piŋkop da dabilon dima kilek toneŋ. ⁹Disi nandaŋ, jap kisi tagi noknogi, mani nandaŋ gadatni dima teban taŋbi amin da jap kokup kidat do parekbi naŋba dandaŋek yokwikon di maŋbam. Do ji kaŋ kimotni.

¹⁰Nandani. Gak kokup kidat do yo bami dima yan nandaŋek kokup kidat gawak yomyom yutnon wigi jap unun naŋaki notgo dima noknogi yan nandisak amin kinda da gandisak kaŋ, unun yo kisi buri pidaŋban jap unun kokup kidat do parekbi unun nokdisak. ¹¹Gak dakon nandak nandakgo da notgo nandaŋ gadatni dima teban taŋbi aŋtasik akdisak. Kristo unun amin do aŋek kimagit. ¹²Gak notgo dima noknogi yan nandisak amin unun yokwi aŋ imisal bisapmon Kristo yo kisi yokwi aŋ imisal. ¹³Yanŋo, japmon notno yokwikon yipbeŋ kaŋ, nak buŋon bit kilapyo dimasi nokeŋ. Yan aŋek notno yokwikon di yipbom.

Pol yabekbi pi aŋek tomni timit do dima nandagit

9 ¹Wak yo kinda da dam aŋakwan dima egisat. Nak yabekbi kinda, ae Amin Taginin Yesu kili kagim. Amin Tagi dakon pi agim dakon bami kabi ji mani. ²xAmin diwari da nak do yabekbi kinda yan dima bo nandaŋ namaŋ, mani ji da nak do asi yabekbi kinda yan nandaŋ namaŋ, ma? Ji da Yesu yolyol amin dagawit unun da tilak kinda da yan taŋakwan unun da nak Amin Tagi dakon yabekbini kinda yan yolaŋakwan koŋ.

³Amin diwari da aŋpakno kokwinigeŋ abin nepmaŋba kobogi do gen unuden baŋ yoyisat. ⁴Banabas gat nit pi aŋapdo pi amak dakon yumaŋ nogi amin da nit do jap pakbiyo tagi paŋpulugogi. ⁵Nit yabekbi diwari ae Amin Tagi dakon padige ae Pita yo da aŋ unudeŋ Yesu yolyol miŋat paŋek kisin agek pi agagi. ⁶Banabas gat nit daŋin nit dakon yiyit dakon pi ando tagi asak yan nandaŋ, ma? ⁷Emat amin da pini aŋek tomni

^s 8.6 Ep 4.5-6 ^t 8.9 Ro 14.13-15; Gal 5.13 ^u 8.11 Ro 14.15,20 ^v 8.13 Ro 14.21

^w 9.1 Ya 22.17-18; 26.16; 1Ko 15.8-9 ^x 9.2 2Ko 3.2-3 ^y 9.4 Lk 10.8

timikgaŋ, do yiyitni do iyi dakon monerŋ dima noŋ. Ae wain kwaokdak amin wain dakon sopmi iyi paŋ noŋ. Ae sipsip kila aŋ amin iyi sipsip dakon mumni noŋ.

⁸Nak amin dakon nandak nandak yolek gen on dima yosot. Gen teban yo kisi yaŋ gin yosok. ⁹*Moses da gen tebanon gen yaŋ tosoŋ:

“Ji bulmakau wit gip golek do bamaŋ misinŋikgaŋ bisapmon jap noni do gen kagani dima sopni.”

Piŋkop da bulmakau dogin nandaŋek gen uŋun yagit yaŋ nandaŋ, ma? Dima. ¹⁰“Uŋun nin dakon tagi timnin do aŋek gen uŋun yagit. Miktim pidosok amin gat ae wit gip misinŋikdak amin bamot bami nokdamak yaŋ nandaŋek pini amal. ¹¹“Nin da wupji paŋpulugok do yo tagisi ji da binapmon kwaokgimaŋ, do ji da nin do giptim dakon yo paŋpulugoni uŋun da jigi damjak, ma? ¹²“Piŋkop dakon pi amin diwari paŋpulugon, do uŋun yapmaŋek nit madepsi paŋpulugoni kaŋ, uŋun da tagisi asak.

Mani nit jigi morapmi paŋek jikon yo timirisi uŋun dima timikgamak, nido Kristo dakon Gen Bin Tagisi kosit sopsop ak do dimasi nandamak. ¹³“Piŋkop da Telagi Yutnon telagi pi aŋ amin uŋun Telagi Yut dakon jap baŋ timikgaŋ. Ae alta dakon pi aŋ amin da altakon paret do bit kilapyo mukwa soson uŋun dakon diwari noŋ. Ji uŋun dima nandaŋ, ma? ¹⁴“Uŋudeŋ gin, Amin Tagi da yaŋsi aneŋ do gen yaŋ yagit. Gen Bin Tagisi yaŋ teŋteŋok amin uŋun gen yaŋakwa si nandaŋ miŋat aminyo da giptim dakon yo paŋpulugok ani.

¹⁵Mani nak giptim dakon paŋpulugok miŋat aminyokon dima timikdat. Ae abisok jikon yo timit do gen on dima yipmaŋdat. Nak jikon yo timit do dima nandisat. Yo uŋun dima timigek kimokgeŋ kaŋ uŋun da tagi. Nido pi aŋapbo amin da tomni dima namaŋ uŋun da kisik kisik madepsi namisak. Amin da yo namigek kisik kisikno gwayeni do dima galak tosoŋ. ¹⁶Mani Gen Bin Tagisi yaŋ teŋteŋok asat bisapmon mano aripmi dima awigikerŋ. Amin Tagi da uŋun pi namigek pi uŋun abeŋdosi nayigit. Ae Gen Bin Tagisi dima yaŋ teŋteŋokerŋ kaŋ, awa yo jigisi noman taŋ namdisak. ¹⁷Pi on naga da nandak nandagon asat tam tomni tagi timikgom. Mani naga da nandak nandagon dima asat. Piŋkop da namgut baŋ asat. ¹⁸Yaŋdo, ni tomni naŋ abidokerŋ? Gen Bin Tagisi yaŋ teŋteŋaŋek yo timirisi uŋun dima timikdat. Miŋat aminyokon Gen Bin Tagisi isalsi yaŋek tomni dima timigek tagisi nandisat, uŋun da tomnino asak.

Pol miŋat amin morapmi dakon oman amini egipgut

¹⁹Nak pulugaŋbi da egisat. Nak amin kinda dakon oman monji dima egisat. Mani miŋat amin morapmi Kristokon paŋap do aŋek oman amini

^z 9.9 GT 25.4; 1Ti 5.18 ^a 9.10 2Ti 2.6 ^b 9.11 Ro 15.27 ^c 9.12 Ya 20.34; 2Ko 11.9
^d 9.13 GT 18.1-3 ^e 9.14 Mt 10.10; Gal 6.6 ^f 9.16 Jer 20.9

dagagim. ^{20g}Juda amin kabikon egek unun timit do Juda amin yombem dagosot. Naga Moses dakon gen teban da yongamgwan dima egisat, mani gen teban da yongamgwan ekwan amin unun timit do anek unun amin gat egisat bisapmon gen teban da yongamgwan yombem egisat. ²¹Ae amin Ijwakjwari Kabi Moses dakon gen teban dima abidawit amin gat egisat bisapmon, gen teban da yongamgwan dima egisat yombem da egisat, nido unun amin timit do nandisat. Mani Piŋkop dakon gen teban dima yipman dekdar, nak Kristo dakon gen teban yoldat. ^{22h}Ae amin nandaŋ gadatni dima teban tanjbi gat egisat bisapmon, nandaŋ gadatno dima teban tanjbi da tilak unun gat egisat, nido unun amin yokwikon baŋ timit do nandisat. Nak amin morap kisi dakon anpak timikgim, nido kosit morap kisi ankiligek amin diwari yokwikon baŋ timit do nandisat. ²³Pi morap unun asat unun Gen Bin Tagisi da ireŋ tosak do asat. Nido Gen Bin Tagisi dakon yo tagisi kisin da timik timik aneŋ do nandisat.

Nin si teban tajeŋ timtim yaŋek kiŋ tomni tagisi abidoneŋ

²⁴Napbi gwapbokon kwan amin unun kisi da timtim yaŋek kwan, mani kalonji kinda dagin tomni abidosok. Unun ji dima nandaŋ, ma? Do ji tomni abidok do si teban tajeŋ timtim yaŋek kini. ²⁵ⁱAmin morap aktidok ak do nandaŋ amin unun iyi dakon kila tebaisi anek giptim dakon tagaptok an. Tomni unun timikgaŋ unun tasik togi, mani nin tomni aripmi dima tasik togi unun timit do aktidogon kwamaŋ. ²⁶Yaŋdo, tomni abidokeŋsi yaŋ nandaŋek timtim yaŋek dukwan dukwan dima wisineŋ tilagonsi kisasat. Amin da kisit emat dakon aktidok tagisi an unun da tilak kisitno isal timon dima dapmaŋdat. ^{27j}Giptimno da oman amino egipjak do antagap asat. Gen Bin Tagisi amin yoyineŋ naga aktidok dima anek tomni dima di timikgom.

Nin paŋkewalon moneŋ do kaŋ kimotneŋ

10 ^{1k}Not kabi, nak Moses da bisapmon babikninon yo noman tawit unun do pakyaŋsi nandani do nandisat. Piŋkop da kisi morap kosit yolik do gikwem kinda yipman yomgut, ae Tap Gami wasen kinakwan kisi morap teri kinda wigiwit. ²Gikwem kagagwan kiwit ae tap pakbi binapmon da kiwit unun da telagi pakbi sowit yombem asak. Unun awit da Moses dakon amin kabi egipgwit dakon tilak. ^{3l}Ae kisi morap da Piŋkop dakon Wup da jap yomgut unun nawit. ^{4m}Ae kisi morap Piŋkop dakon Wup da pakbi yomgut unun nawit. Asi, Wup dakon tip unun gat kisi agipgwit unun dakon pakbi nawit. Tip unun Kristo. ⁵ⁿPiŋkop da pi

g 9.20 Ya 21.20-26 h 9.22 2Ko 11.29 i 9.25 Pil 3.14; 2Ti 2.4-5; 4.7-8 j 9.27 Ro 8.13; 13.14 k 10.1 TP 13.21-22; 14.22-29 l 10.3 TP 16.35 m 10.4 TP 17.6; IDT 20.11 n 10.5 IDT 14.29-30

madepsi aban kawit, mani ujun amin kabikon morapmi da anpak yokwi aba tagi dima nandan yomgut. Do miktim kibiri amin da aripmi dima egipmi timon panjupbal aban kimagakwa bumjotni timi dukon di tarj tarj awit.

⁶Ujun yo morap noman tawit da nin do mama gen kinda asak. Do ujun da yo yokwi ak do but kindap awit ujuderj dima anej. ⁷Ujun da kokup kidatni dakon wupni do gawak yomgwit nin yarj dima anej. Piŋkop gen da yarj yosok:

“Jap pakbiyo madepsi anek ujun da kwenon kap ae kisik kisikyo mibili mibili awit.”

⁸Ujun da yumabi anpak awit ujuderj dima anej. Ujun da yarj aba gildat kalon dogin amin 23 tausen da kimakgwit. ⁹Ujun amin da awit ujuderj Kristo dima anekwalnej. Ujun da yarj aba tunon amin emari ton da injinj yoba kimakgwit. ¹⁰Ae ji ujun da Piŋkop do yarjba yokwi tok awit ujuderj dima ani. Yarj aba kimot yomyom anelo da abinj dapban kimakgwit.

¹¹Ujun yo morap noman tawit da nin do mama gen kinda asak. Amin da Piŋkop da papiakon gen ujun mandawit ujun da mibi bisapmon ekwaman amin nin do mama gen niyisak. ¹²Yando, amin kinda nak tebaisi akdat yarj nandisak amin ujun karj kimotjak. Yokwikon di manjan. ¹³Pankekwal jikon noman ton ujun njwaknjwari dima, ujun amin morap kisikon yarj gin noman ton. Ae Piŋkop toktok teban ji gat egek panjuplugosok, do ji panjeban anakwan pankekwalon dima manjek tebaisi atdan. Pankekwal noman tarj damni bisapmon Piŋkop da pulugan kini dakon kosit kinda yipdisak, anakwan yokwikon dima mokdan.

Nin Piŋkop gat ae kokup kidat gat kisi do gawat gawat dima anej

¹⁴Yando, notnoni, ji kokup kidat gawak yomyom anpak yipmanj degek pasal kini. ¹⁵Ji nandan kokwinji tagisi, do gen dayisat disi kokwininini. ¹⁶Telagi jap noman bisapmon kap abidanej Piŋkop ya yarj iyinej noman ujun da yawini do anek nin Kristo gat kabi kalon aman. Ae bret pudanej noman bisapmon ujun da giptimni do anek nin Kristo gat kabi kalon aman. ¹⁷Bret kalon kinda dagin tosok, nin amin morapmi da ujun nanjin noman, do nin morapmi da giptim kalon aman. ¹⁸Ji Israel amin dakon anpak do nandani. Bit kilapyo altakon sosonj bisapmon ujun nanjek Piŋkop gat kabi kalon anj.

¹⁹Mani ji da kokup kidat do mukwa sosonj ujun do nak da yo bamisi anj yarj yosot yarj di nandabam. Ae kokup kidat do yo bamisi yarj dima yosot. ²⁰Ujun

o 10.6 IDT 11.4,34; 1Ko 10.11 p 10.7 TP 32.6 q 10.8 IDT 25.1-9 r 10.9 IDT 21.5-6

s 10.10 IDT 16.41-49 t 10.16 Mt 26.26-28 u 10.17 Ro 12.5 v 10.18 MS 7.6

w 10.19 1Ko 8.4

dimasi. Nak yan yosot. Piŋkop dima nandan iman amin da mukwa soson unun konj do an, unun Piŋkop do dima an. Ae ji konj gat kabi kalon ani do dima galak tosot. ²¹ Amin Tagi da kapmon ae konj da kapmon kisi noni kan, unun ma abisi an. Ae Amin Tagi da tamokon ae konj da tamokon kisi jap noni kan, unun yo kisi ma abisi an. ²² Amin Tagi yipman degapno nin do nandaban yokwi tok an nimjak do nandaman, ma? Nin dakon tapmim da unun dakon tapmim yapmanngaman, ma?

Bisapmi bisapmi Piŋkop dakon man awigineŋ

²³ Amin diwari da yan yon, “Yo morap tagi agagi.” Gen unun bami, mani yo diwari da nin tagi dima panpulugogi. “Yo morap tagi agagi”, mani yo diwari da butnin tagi dima panjeban asak. ²⁴ Nin nin banjin panpulugok ak do dima nandanen. Nin amin diwari panpulugok do nandak nandak anen. ²⁵ Bit kilapyo morap yuman gwayek tamokon yopmanngan unun tagi noni. Nandaba kik anek kokup kidat do parekbi bo dima, unun do dima yoyini. ²⁶ Nido nin nandaman, “On miktim gat yo morapni gat ton unun kisi morap unun Amin Tagi dakon gin.”

²⁷ Yesu dima nandan gadan imisak amin kinda da yutnikon kin jap noni do dayinban yutnikon kik do nandan kan tagi kini. Ae jap morap daban nandaba kigi mini tagi noni. Noknogi bo dima noknogi unun do but morap dima ani. ²⁸ Mani amin kinda da nandaba kik anek, “Bit on kokup kidat do parekbi” yan dayinban kan, unun dima noni. Noni kan unun amin da sun an yan nandan damdisak. ²⁹ Disi jap morap kisi tagi noknogi yan nandan, mani unun amin yan dima nandisak.

Nak jap morap kisi tagi noknogi yan nandisat. Do nido amin kinda da jap unun nonen kan unun sun aman yan nandanakwan jap unun yopben? ³⁰ Piŋkop ya yan iyinek jap noken kan, mibili nido amin kinda da gak sun asal yan nayisak?

³¹ Yan do, jap pakbiyo ani bo yo diwari gat ani bisapmon Piŋkop man madep im do nandaneŋ ani. ³² Juda amin, bo Grik amin, bo Piŋkop dakon panmuwukbi da yokwikon moni dakon anpak kinda dima ani. ³³ Nakyo kisi minjat amin morapyo da anpak si galakton unun ban asat. Naga anpulugok do anek dima asat. Minjat amin morapyo panpulugoko Piŋkop da yokwikon ban timitjak do nandaneŋ asat.

Pol da Telagi Wup dakon but galak dakon yo gat ae Piŋkop gawak imim dakon anpak do yagit

(Kilapmi 11–14)

11 ¹ Nak da Kristo dakon anpak yoldat, yan gin jiyo kisi nak dakon anpak yolni.

y 10.21 2Ko 6.15-16 z 10.22 GT 32.21 a 10.23 1Ko 6.12 b 10.24 Ro 15.1-2

c 10.26 Kap 24.1 d 10.28 1Ko 8.7 e 10.30 1Ti 4.4 f 10.31 Kol 3.17 g 10.32 Ro 14.13

h 10.33 1Ko 9.20-22 i 11.1 1Ko 4.16

Amin da busuṅni witjaṅ uṅun do Pol da yagit

²Ji bisapmi bisapmi nak do nandaṅek ekwaṅ, ae gen timikgim baṅ dangum uṅun baṅ yolek ekwaṅ, do ji aṅpak tagisi aṅ. ³^jMani gen kinda gat nandani do nandisat uṅun yaṅ. Wili dakon busuṅi uṅun Kristo, ae miṅat dakon busuṅi uṅun wili, ae Kristo dakon busuṅi uṅun Piṅkop. ⁴Wili kinda busuṅni witjiṅek bisit asak, bo kombi gen yosak kaṅ, uṅun da busuṅni Kristo abiṅ yipmaṅdak. ⁵Mani miṅat kinda busuṅni dima witjiṅek bisit asak, bo kombi gen yosok kaṅ, uṅun da busuṅni eni abiṅ yipmaṅdak. Uṅun busuṅ daṅgwani kisi mandaṅ mudosok yaṅ asak. ⁶Miṅat kinda busuṅni dima witjisak kaṅ, busuṅ daṅgwani kisi mandaṅ mudosak. Ae busuṅ daṅgwani pisipmi bo ae warot pak do mayagi nandisak kaṅ, busuṅni si witjisak. ⁷^kWili uṅun busuṅni dima witjisak, nido wili Piṅkop iyi yombem wasaṅbi, uṅun da Piṅkop dakon tilimni nolisak. Mani miṅat uṅun wili dakon tilimni nolisak. ⁸^lNido Piṅkop da miṅat dakon giptim naṅ wili dima wasagit, wili dakon giptim naṅ miṅat wasagit. ⁹Ae Piṅkop da miṅat do nandaṅek wili dima wasagit. Wili do nandaṅek miṅat wasagit. ¹⁰Yaṅ do aṅek, ae aṅelo da nindaṅ do aṅek, miṅat uṅun busuṅni witjisaksi. Yaṅ asak uṅun da eni do gawat gawat asak dakon tilak.

¹¹Mani Amin Tagi da kabikon miṅat wiliyo iyi dage dima ekwaṅ. Miṅat uṅun wili dakon paṅpulugokni, ae wili uṅun miṅat dakon paṅpulugokni. ¹²Nido kalip Piṅkop da wili dakon giptim naṅ miṅat wasagit, mani wili miṅaron da altonṅ. Ae Piṅkop uṅun yo morap dakon mibili.

¹³Ji disi gen on kokwin ani. Miṅat kinda busuṅni dima witjiṅek bisit asak kaṅ, uṅun aṅpak tagi naṅ asak? ¹⁴Piṅkop da miṅat aminyo niaṅon da wasaṅ nipgut uṅun pindagek yaṅsi nandamaṅ, wili busuṅ daṅgwani dubagi amin uṅun mayagi. ¹⁵Mani miṅat busuṅ daṅgwani dubagi kaṅ, uṅun miṅat dakon tilimni tagisi, nido Piṅkop da busuṅni witjisak do imgut. ¹⁶Amin kinda da nak dakon gen uṅun do gen emat asak kaṅ, yaṅsi nandisak, nin gat ae Piṅkop dakon paṅmuwukbi diwari gat aṅpak ṅwakṅwari kinda dima yolgamaṅ.

Korin amin telagi jap kosit kilegikon da dima nawit

¹⁷Kili nak aṅpak diwari aṅ uṅun do tagisi dima nandisat. Uṅun do aṅek aṅpak diwari ji da agagisi uṅun do dayikdisat. Ji Piṅkop gawak im do muwukgaṅ bisapmon notji dima paṅpulugonṅ, notji paṅupbal aṅ. ¹⁸^mDo mibiltok uṅun do dayikdisat. Piṅkop gawak im do muwukgaṅ

j 11.3 WW 3.16; Ep 5.23 k 11.7 WW 1.26-27 l 11.8-9 WW 2.18-23
m 11.18 1Ko 1.10-12

bisapmon pidok pidok aŋek ekwaŋ yaŋ amin da yaŋba nandagim. Gen uŋun nandako bamisok agit, ¹⁹nido paŋmuwukbi timisok di wasen kinjakwa uŋudon da Piŋkop dakon aŋpak namin da bamisi yolgaŋ uŋun da dolisak. ²⁰Piŋkop gawak im do muwukgaŋ bisapmon Amin Tagi dakon telagi jap baŋ nomaŋ yaŋsi nandaŋek dima noŋ. ²¹Ji kalon kalon notji do jomjom dima aŋek jap tepmi timigek naŋ naŋ aŋek wain morapmi naŋek but upbal aŋ. Aŋakwa diwari jap do aŋ. ²²Yutji mini do jap pakbiyo aripmi dima ani, ma? Piŋkop dakon paŋmuwukbi do yo isali yaŋ nandaŋek japni mini amin paŋmayak ak do nandaŋ, ma? Ni gen baŋ dayikeŋ? Ji aŋpak tagisi aŋ yaŋ dayikeŋ, ma? Uŋun dimasi!

Amin Tagi dakon telagi jap dakon gen

²³Nido nak Amin Tagikon gen timikgim uŋun kili dayigim uŋun disi nandaŋ. Gen uŋun yaŋ. Kalbi Judas da Amin Tagi uwal da kisiron yigut bisapmon uŋun kalbi Amin Tagi Yesu da bret abidaŋek ²⁴Piŋkop ya yaŋ iyikeŋ pudaŋek yaŋ yagit, “On nak dakon giptim timno ji do parekdat. On naŋek nak do nandaŋek egipni.” ²⁵“Ae jap naŋ mudakeŋ wain kap abidaŋek yaŋ gin aŋek yaŋ yagit, “On wain kap uŋun saŋbek saŋbek kalugi naga dakon yawi naŋ asat. Ji bisap morap on wain naŋek nandaŋ namni.” ²⁶Yesu da gen yagit uŋun da yaŋ nolisak. Bisap morap on bret gat ae wain on kapmon noni bisapmon Amin Tagi dakon kimot do yaŋ teŋteŋaŋakwa wigi ae apjak bisapmon wigisak.

Aŋpak kilegikon da Amin Tagi dakon telagi jap nonen

²⁷Yaŋdo, amin kinda da Amin Tagi dakon bret ae wain kapni aŋpak kilegikon da dima nosak kaŋ, Amin Tagi dakon giptim ae yawi yokwi aŋmisaŋ dakon gulusuŋni taŋ imisaŋ. ²⁸Do butjikon da kokwin tagisi aŋek bret gat wain kapmon noni. ²⁹Nido Amin Tagi dakon giptim tim do dima nandaba wigakwan bret wainyo noni kaŋ, gulusuŋ aŋ do Piŋkop da kobogi damdisak. ³⁰Mibili yaŋ do aŋek jikon amin diwari tapmimni mini, ae diwari sot aŋ, ae diwari kili kimakgwit. ³¹Mani butnin dakon kokwin tagisi aŋek nonen kaŋ, kobogi dima timitneŋ. ³²^pMani Amin Tagi da aŋpaknin dakon kobogi nimikeŋ nin paŋmilip asak. Uŋun miŋtimon miŋat aminyo gat dima pasilneŋ do yaŋ asak.

³³Yaŋdo, not kabino, Amin Tagi dakon telagi jap nok do muwutni bisapmon amin diwari do jomjom aŋek don noni. ³⁴Amin kinda jap do tepmi nandisaŋ kaŋ yutnikon nosak. Yaŋ aŋek muwutni bisapmon gulusuŋ dima aŋek kobogi dima timitjak.

Gen diwari dayigi uŋun opben bisapmon don dayikeŋ.

ⁿ 11.25 TP 24.6-8; Ibr 8.8-13 ^o 11.27 Ibr 10.29 ^p 11.32 Ibr 12.5-6

Telagi Wup da but galak do pi aneḡ do tapmim nimisak

12 ¹Not kabi, Telagi Wup da but galak do pi morap dakon tapmim nimiḡ nimiḡ asak uḡun pakyarḡsi nandani do dayikdisat. ²“Disi nandaḡ, Piḡkop dima nandaḡ iḡgwit bisapmon kokup kidat dakon wupmi gen dima yoḡ uḡudon kini do amin da dayiḡba kokwin dima aḡek kiḡ kiḡ awit. ³“Yaḡdo, pakyarḡsi nandani, Piḡkop dakon Telagi Wup da amin kinda aḡtagap aban “Yesu jobit tagi pasak!” yaḡ ariḡpmi dima yosak. Ae Telagi Wupni mini amin da “Yesu uḡun Amin Tagi” yaḡ ariḡpmi dima yosak.

⁴“Telagi Wup dakon but galak dakon yo mibili mibili, mani Wup kaloḡi kinda daḡin egisak. ⁵Paḡmuwukbikon pi mibili mibili amaḡ, mani Amin Tagi kaloḡi kinda gin. ⁶Ae pi agak dakon kosit mibili mibili toḡ, mani Piḡkop kaloḡ daḡin miḡat amiḡyo do tapmim yomiḡakwan pi uḡun aḡ. ⁷Paḡmuwukbi kisi paḡpulugoneḡ do Telagi Wup da amin kaloḡ kaloḡon pi asak. ⁸Amin kinda Telagi Wup da aḡtagap aban nandaḡ kokwin tagisi aḡek miḡat amiḡyo paḡpulugosok. Ae uḡun Wup kaloḡ daḡin kinda aḡtagap aban nandaḡ nandaḡ tagisi miḡat amiḡyo yoyisak. ⁹Ae uḡun Wup kaloḡ daḡin nandaḡ gadat tebaisi amin kinda do imisak. Ae uḡun Wup kaloḡ daḡin amin kinda tapmim iban sot amin paḡmilip asak. ¹⁰Ae amin kinda do wasok tapmimi toḡ agak dakon tapmim imisak. Ae amin kinda do kombi gen yosak dakon tapmim imisak. Ae amin kinda do wup mibili mibili kokwin agak dakon tapmim imisak. Ae amin kinda do gen mibili mibili yogok dakon tapmim imisak. Ae amin kinda do gen uḡun paḡtobiljak dakon tapmim imisak. ¹¹“Uḡun Wup kaloḡ daḡin uḡun yo morap paḡalon asak. Iyi da galaktogon but galak dakon yo kokwinigeḡ amin kaloḡ kaloḡ do yomiḡ yomiḡ asak.

Nin giḡtim kaloḡi kinda dakon diwatni kabi da ekwamaḡ

¹²“Amin dakon giḡtim uḡun kaloḡi gin, mani giḡtim diwatni morapmi. Ae uḡun giḡtim dakon diwat morap uḡun giḡtim kaloḡi kinda dakon gin. Kristo dakon giḡtim kisi yaḡ gin. ¹³“Wup kaloḡi kinda daḡin nin morap telagi pakbi soḡ niban giḡtim kaloḡ agimaḡ. Juda amin nin, ae Grik amin, ae oman amin, ae oman amin dima ekwaḡ amin nin kisi Wup kaloḡi butninon abidaḡimaḡ.

¹⁴Giḡtimnin uḡun kaloḡi kinda gin dima, diwatni morapmi. ¹⁵Kandaḡ da “Nak kisit dima, do giḡtim dakon diwatni dima” yaḡ tagi yosak, mani uḡun giḡtim dakon diwatni siḡin tosok. ¹⁶Ae miḡak da “Nak dabil dima, do giḡtim dakon diwatni dima” yaḡ tagi yosak, mani uḡun giḡtim

ḡ 12.2 Ab 2.18-19 ḡ 12.3 1Jn 4.2-3 ḡ 12.4 Ro 12.6 ḡ 12.11 1Ko 7.7 ḡ 12.12 1Ko 10.17 ḡ 12.13 Gal 3.28

dakon diwatni sigin tosok. ¹⁷Giptimon dabil dagin tosok tam, nianj anjek gen nandisak? Ae giptimon mirak dagin tosok tam, nianj anjek yo dakon kibanji nandisak? ¹⁸Mani giptim unjun yanj dima. Piŋkop da iyi dakon galaktok yolek giptim dakon diwatni kalonj kalonj yopgut da tamonikon tanj tanj anj. ¹⁹Giptim dakon diwatni kalonji kinda dagin tosok tam unjun giptim dima. ²⁰Mani giptim dakon diwatni morapmi da giptimon sanbenba giptim kalonji kinda gin asak. ²¹Dabil da kisit “Gak mini tam naga tagi egipbom” yanj aripmi dima iyigi. Ae busunj da kandap “Gak mini tam naga tagi egipbom” yanj aripmi dima iyigi. ²²Dimasi. Giptim dakon diwatni tapmimni madep dima yanj pindakgamanj unjun dima ekwanj tam giptim tagi dima tanjan. ²³Ae giptim dakon diwatni mani mini yanj pindakgamanj unjun banj kila tagisi amanj. Ae giptim dakon diwatni mayagi yanj nandamanj unjun banj tagisi witjamanj. ²⁴Mani giptim dakon diwatni diwari mayagini mini unjun yum pindagapno isal toj. Piŋkop da giptim dakon diwatni kisi wasanj yopmanjek diwatni nin da yo madep dima yanj pindakgamanj unjun do man madep yomgut. ²⁵Yanj aban giptim dima wasenj kisak, ae giptim dakon diwatni da notni aripsi kila anj anj anj. ²⁶Giptim diwat kinda tepmi pasak kanj, giptim diwat kisi morap tepmi panj. Ae giptim diwat kinda man madep pasak kanj, giptim diwat kisi morap kisik kisik panj.

²⁷wJi kisi morap Kristo dakon giptim tim ekwanj, ae ji kalonj kalonj giptim diwatni ekwanj. ²⁸xAe Piŋkop da panjmuwukbikon pi ani do amin manjigit. Mibiltok yabekbi, ae unjun da bujon kombi amin, ae unjun da bujon yoyindet, ae wasok tapmimi toj agak amin, ae sot amin panjmilip ak amin, ae amin panjpulugok amin, ae pi mibili mibili kila agak amin, ae gen amin da dima nandagi mibili mibili yogok amin kisi manjigit. ²⁹Kisi morap yabekbi dagin dima ekwanj, ae kisi morap kombi amin dagin dima ekwanj, ae kisi morap yoyindet dagin dima ekwanj, ae kisi morap wasok tapmimi toj agak amin dagin dima ekwanj, ³⁰ae kisi morap sot amin panjmilip ak amin dagin dima ekwanj, ae kisi morap gen amin da dima nandagi mibili mibili yogok amin dagin dima ekwanj, ae kisi morap gen panjtobil amin dagin dima ekwanj. ³¹yMani ji Telagi Wup dakon but galak dakon yo wukwisi unjun timit do tek kindap pani.

Abisok anpak wagil tagisisi kinda do dayikdisat.

Nin amin do but dasi galaktanj yomnej

13 ¹Nak amin dakon gen mibili mibili ae anjelo dakon gen kisi yokenj, mani amin do but dasi galaktanj yomyom anpak nagon dima tosok kanj, nak gonjon bo ae dubanj mibili mini tidonj unjun yombem. ²zAe kombi gen yogok dakon tapmim nagon tosok, ae nandak

w 12.27 Ro 12.5 x 12.28 Ep 4.11-12 y 12.31 1Ko 14.1 z 13.2 Mt 17.20

nandak pasili tonj unun nandan mudosot, ae nandak nandak morap kisi nandan mudosot, ae nandan gadatno tebaisi do kabap kinda iyiko diwalik tagi kisak, mani amin do but dasi galaktan yomyom anpak nagon dima tosak kan, nak yo isalisi. ³Nak yo morapno yoni mini amin do yoben, ae yum pindagapbo amin da giptimno abidan kindapmon sonba sonjek kimokgen, mani amin do but dasi galaktan yomyom anpak nagon dima tosak kan, unun da nak kindasok aripmi dima anpulugoni.

⁴Amin kinda amin do but dasi galaktan yomisak, unun amin da yokwi an iba butni yawori tanjakwan kobogi anyom do dima nandisak, ae amin morap do anpak yaworisi gin anyomisak. Ae amin tagisi ekwan amin do pindak galaktok anjek nandaba yokwi tok dima anyomisak, ae pibit tidok dima asak, ae iyi do nandaban dima wigisak. ⁵Ae anpak mayagi dima asak, ae iyi dogin dima nandisak, ae butjap tepmi dima nandisak, ae amin da yokwi an iba yokwini do dima nandan egisak. ⁶“Unun anpak yokwi do kisik kisik dima asak, gen bami do kisik kisik asak. ⁷^bAmin do but dasi galaktan yomyom anpak asak amin jigi da aripmi dima abin yipmandak. Bisapmi bisapmi Pinjkop do nandan gadat anjek anpulugosak do jomjom asak, ae jigi bisapmon tebaisi akdak.

⁸But dasi galaktan yomyom anpak unun aripmi dima mudosak. Mani kombi gen yogok gat, ae gen mibili mibili yogok gat, ae amin dakon nandak nandakni tagi morap unun pasildan. ⁹Nin yo morap dakon nandak nandak diwari banjin nandaman, ae kombi genyo kisi diwari banjin yoman. ¹⁰Mani don yo wagol gwaljigi minisi noman tanjakwan abisok yo morap diwat diwat nandaman unun pasildan.

¹¹Unun dakon tilak unun yan. Nak moninjsok egipgum bisapmon gen amin monin da tilagon yagim, ae nandak nandakno gat ae kokwin agakno gat amin monin da tilak egipgum. Mani amin madep anjek amin monin anpak yipman mudagim. ¹²Abisok nin Pinjkop dakon mibili diwari gin nandaman. Unun pakbi idapmon wupnin pindak upbal aman unun yombem. Mani Pinjkop dakon tomno dabilyo bamisi don kokdaman. Pinjkop da abisok nin bamisi nandan nimisak, unuden don nandan imdaman.

¹³^cNandan gadat gat, ae Pinjkop da panpulugosak do jomjom agak gat, ae but dasi galaktan yomyom anpak, unun anpak kapbi da toktok teban tan anan kikan. Mani but dasi galaktan yomyom anpak da anpak diwari yapman mudosok.

Kombi gen yok do galagi madep nandanen

14 ¹^dJi amin do but dasi galaktan yomyom anpak toktogisi an kimotni. Ae Telagi Wup da but galak do yo nimisak unun timit

^a 13.6 Ro 12.9 ^b 13.7 1Pi 4.8 ^c 13.13 1Tes 1.3 ^d 14.1 1Ko 12.31; 14.39

do galak tajeƙ kombi gen yogok dakon tapmim abidok do madepsi galak toni. ²Nido amin kinda gen ƙwakiƙwarikon^e da gen yosak kaƙ, uƙun amin da nandani do dima yoyisak, uƙun Piƙkop naƙgin iyisak, nido amin da ni gen naƙ yosok uƙun dima nandaƙ, Telagi Wup da tapmim iban gen pasili yosok. ³Mani, amin kinda kombi gen yaƙeƙ miƙat aminyo dakon nandaƙ gadatni paƙteban asak, ae tebai atni do butni paƙteban asak, ae jigikon ekwaƙ amin butni paƙteban asak. ⁴Amin kinda gen ƙwakiƙwarikon da gen yosok uƙun iyi dakon but aƙteban asak, mani kombi gen yosok amin paƙmuwukbi morap dakon but paƙteban asak. ⁵Ji kisi da gen ƙwakiƙwarikon da gen yoni do nandisat, mani kombi gen yoni dosi nandisat. Kombi gen yosok amin da gen ƙwakiƙwari yosok amin yapmaƙdak, mani gen ƙwakiƙwari yaƙakwan amin kinda da paƙtobiljak kaƙ uƙun tagi, uƙun da paƙmuwukbi dakon but paƙteban asak.

⁶Not kabi, nak jikon obiƙeƙ gen ƙwakiƙwarikon da gen dayikeƙ kaƙ, niaƙon da gen uƙun da ji paƙpulugosak? Mani Piƙkop da gen pasili noligit uƙun dayikeƙ, bo nandak nandak tagisi di dayikeƙ, bo kombi gen kinda dayikeƙ, bo dayindet abeƙ uƙun da ji tagisi paƙpulugosak. ⁷Yo egipmi egipmi mini uƙudon abidaƙeƙ tilak abeƙ. Kasisiƙ ae gitayo geni kilegi dima yoni kaƙ, nikon da amin kap dakon tek nandaƙeƙ kap yoni? ⁸Ae kweƙ kilegi dima yosak kaƙ, amin niaƙon da emat do tagap toni? ⁹Jiyo kisi yaƙ gin. Ji gen ƙwakiƙwari yaƙakwa niaƙon da amin da gen uƙun dakon mibili nandaba piƙsoni? Gen yaƙba isali akdaƙ. ¹⁰Asi, miƙtimon gen mibili mibili morapmi toƙ, ae kisi morap mibili toƙ gin. ¹¹Mani amin kinda da gen yaƙban dima nandabo piƙosak kaƙ, uƙun amin da nak do kokup ƙwakiƙwarikon amin yaƙ nandaƙ namiƙakwan nak da uƙun amin do kokup ƙwakiƙwarikon amin yaƙ nandaƙ ibeƙ. ¹²Gen ƙwakiƙwarikon da gen yoni kaƙ, amin da ji do yaƙ gin nandaƙ damdaƙ. Ji Telagi Wup dakon but galak dakon yo timit do galagi madepsi nandaƙ, do but galak dakon yo paƙmuwukbi tagisi paƙteban agagi uƙun timit do pi tebaisi aƙ kimotni.

Gen ƙwakiƙwari yogok dakon gen

¹³Yaƙdo, amin kinda gen ƙwakiƙwarikon da gen yosak kaƙ, Piƙkop da gen uƙun tagi paƙtobiljak dakon tapmim imjak do bisit asak. ¹⁴Nido, gen ƙwakiƙwarikon da bisit abeƙ kaƙ, wupnokon da bisit asat, mani nandak nandaknokon da yo bami kinda dima nandisat. ¹⁵Yaƙdo, niaƙ abeƙ? Wup ae nandak nandakno kisi da bisit abeƙ. Wup ae nandak nandakno kisi da kap yokeƙ. ¹⁶Yaƙ dima aƙeƙ wupmon daƙin Piƙkop aƙkisiƙeƙ ya yaƙ iyinƙaki mirak yopmaƙdak amin uƙun gen yosol dakon mibili dima

^e 14.2 Gen ƙwakiƙwari dakon mibili uƙun yaƙ. Uƙun miƙtim amin morap da dima yon gen kinda do yosok.

nandisak, do nianjon da “Uñun asi” yan yosak? ¹⁷Piñkop ya yan iyinek yo tagisi asal, mani mirak yopmanjak amin dakon buri dima anteban asal.

¹⁸Nak bisap morapmi gen ñwakñwarikon da gen yanek ji gwapman mudosot do Piñkop ya yan iyisat. ¹⁹Mani, pañmuwukbi Piñkop gawak im do muwutni bisapmon gen ñwakñwarikon da gen sop 10 tausen yoken kan, uñun da pañpulugok kinda dima akdisak. Mani gen sop 5 kabi amin da tagi nandagi uñun ban yoyiñdet abek kan, uñun da pañpulugok madepsi akdisak.

²⁰Not kabi, nandak nandakjikon da amin moniñ da tilak dima egipni. Amin moniñ da anpak yokwi dakon mibili dima nandanek ekwan ji uñun da aripmon egipni. Mani nandak nandakji uñun amin madep da tilagon egipni. ²¹Piñkop da gen tebanon gen yan mandabi:

“Amin Tagi da yan yosok, ‘Geno kokup ñwakñwarikon amin do yobo uñun da gen ñwakñwarikon da uñun miñat aminyo do yoyikdan. Mani geno nandak do mirak dima yopdan.’”

²²Yañdo, gen ñwakñwarikon da gen yogok uñun da Piñkop dakon tilak madepni kinda asak. Uñun nandan gadat kili awit amin do dima yolisak, nandan gadat dima awit amin do yolisak. Mani kombi gen yogok uñun tilak kinda nandan gadat kili awit amin pañpulugok do yomisak, uñun nandan gadat dima awit amin do dima yomisak. ²³^hDo pañmuwukbi morap Piñkop gawak im do muwugek ji kisi gen ñwakñwarikon da gen yoni kan, but galak dakon yo dakon mibili dima nandan amin, bo ae nandan gadat dima abi amin da wiñ dandanek ji do si ñugigan yan yokdan. ²⁴ⁱMani, ji kisi kombi gen yoni kan, but galak dakon yo dakon mibili dima nandan amin, bo ae nandan gadat dima abi amin da abin gen uñun nandan uñun da buri suganba iyi do nin yokwi pakpak do kobogi pakdaman yan nandakdan. ²⁵Nandak nandakni burigwan pasili ton uñun tentenokdan. Ae man pak gawagek Piñkop gawak imiñek “Piñkop bamisi ji gat egisak” yan yokdan.

Kosit kilegikon da Piñkop gawak imnen

²⁶Yañdo, not kabi, Piñkop gawak im do muwutni bisapmon niban ani? Kinda da kap yosak, ae kinda da yoyiñdet asak, ae kinda da Piñkop dakon nandak nandak pasili ton uñun yosak, ae kinda da gen ñwakñwarikon da gen yosak, ae kinda da uñun gen yosak uñun pañtibiljak. Yo morap ani uñun pañmuwukbi pañteban ak do ani. ²⁷Amin diwari gen ñwakñwarikon da gen yoni kan, amin bamori bo kapbi dagin yoni. Ae kisi bisap kalon dima yoni, notji do bikbik yomiñ yomiñ anek yoni. Ae amin kinda da gen uñun si pañtibiljak. ²⁸Mani gen

^f 14.20 Ep 4.14 ^g 14.21 Ais 28.11-12 ^h 14.23 Ya 2.13 ⁱ 14.24 Jn 16.8
^j 14.26 1Ko 12.8-10

paŋtobil amin mini kaŋ, gen ŋwakŋwarikon da gen yogok amin gen dima yosak. Gen iyi gat ae Piŋkop gat dogin yosak.

²⁹kAmin bamori bo kapbi da kombi gen yoni, aŋakwa diwari da geni kokwinitni. ³⁰Ae kinda yigakwan Piŋkop da gen kinda aŋalon aŋiban kaŋ, gen yosok amin gen saŋberjek dima yosak. ³¹Yaŋ aŋek kombi gen yogok amin kisi kalon kalon kombi gen yoni dakon bikbik pisaŋ damdaŋ. Aŋakwa paŋmuwukbi kombi gen yoyiŋakwa nandak nandak timigek uŋun da butni paŋteban asak. ³²Kombi gen yogok amin uŋun wupni dakon kila iyi tagi aŋ, do iyi da bisapmon gen tagi yoni. ³³Nido Piŋkop uŋun yo morap upbilapmon da agak amin dima. Nin da but kalonon da egipneŋ do nandisak.

Telagi paŋmuwukbi morap nin da amaŋ uŋudeŋ jiyo kisi muwut muwutjikon ³⁴miŋat gen dima yoni. Gen yaŋba tagi dima akdisak. Moses dakon gen teban da yosok uŋun da aripmon gawat gawaron da yitni. ³⁵Paŋmuwukbi da muwut muwuron miŋat gen yoni kaŋ uŋun mayagi, do gen kinda dakon mibili nandak do kaŋ, yutnikon eni baŋ yoyiŋba tagi yoyini.

³⁶Korin amin, Piŋkop dakon gen jikon da noman tagit yaŋ nandaŋ, ma? Ae geni ji dagin abidawit, aŋakwa amin diwari dima abidawit yaŋ nandaŋ, ma? ³⁷mJikon da amin kinda iyi do nak kombi amin kinda yaŋ nandisak, bo Wup dakon nandak nandak taŋ namisak yaŋ nandisak amin yaŋsi nandisak, gen on mandisat uŋun Amin Tagi dakon gen teban yaŋsi nandisak. ³⁸Amin kinda yaŋ dima nandisak kaŋ, uŋun amin do kombi amin kinda dima yaŋ nandaŋ imni.

³⁹Yaŋdo, not kabi, kombi gen yok do galagi madepsi nandani, ae gen ŋwakŋwari yogok dakon kosit sopsop dima ani. ⁴⁰Mani Piŋkop gawak imim dakon silipmon yo morap ani uŋun kosirikon da kilegisi ani.

Amin kimakbi aeni kimoron da pidokdaŋ

(*Kilapmi 15*)

Kristo kimagek kimoron da pidagit

15 ¹Not kabi, Gen Bin Tagisi dayigim uŋun do butji pabo pisaŋban nandani do nandisat. Gen Bin Tagisi kili abidawit da uŋudon tebai akgaŋ. ²Ae gen dayigim uŋun tebaisi abidoni kaŋ, Piŋkop da uŋun Gen Bin Tagisikon da ji yokwikon baŋ timitdisak. Yaŋ dima ani kaŋ, nandaŋ gadatji uŋun yo isali.

³"Gen kinda abidagim uŋun da gen wagol madepsi asak. Gen uŋun kili damgum. Gen uŋun yaŋ. Piŋkop gen tosok uŋun da aripmon Kristo

^k 14.29 1Tes 5.21 ^l 14.34 1Ko 11.3; 1Ti 2.12 ^m 14.37 1Jn 4.6 ⁿ 15.3 Ais 53.5-12

nin dakon yokwi wiririt do kimakgit. ⁴Ae Piŋkop gen tosok uŋun da aripmon amin da kimakbi tamogwan yipgwit, ae gildat kapbi aŋakwan kimoron da pidagit. ⁵Ae Pita kon altaŋek don yabekbi 12 kabikon kisi altaŋ yomgut. ⁶Ae don nandaŋ gadat amin 500 yapmaŋdak uŋun kabikon altaŋ yomgut. Uŋun kabikon morapmi abisok ekwaŋ, mani diwari kili kimakgwit. ⁷Ae don Jems altaŋ imgut. Ae don yabekbi kisikon altaŋ yomgut.

⁸Uŋun kabikon altaŋ yomiŋek don mibi do nagon altaŋ namgut. Nak monji kinda altok altok bisapmonsida maŋaltaŋbi yombem. ⁹Nido nak yabekbi kabi dakon piŋbinisi egisat. Ae amin da yabekbi yaŋ tagi dima nayigi, nido kalip Piŋkop dakon paŋmuwukbi paŋupbal ak do pi madepsi agim. ¹⁰Mani Piŋkop da nandaŋ yawok namiŋek aŋpulugaŋban yabekbi kinda dagat da egisat. Ae nak do nandaŋ yawot agit uŋun dima suŋ tagit. Dimasi. Yabekbi diwari yapmaŋek pi madepsi agim da asat. Mani naga dima asat, Piŋkop da nandaŋ yawok namiŋek tapmim namiŋakwan pi uŋun asat. ¹¹Do nak bo ae yabekbi diwari da pi uŋun aŋ uŋun da yo madep dima asak. Yo madep uŋun Yesu kimot aŋek aeni pidagit uŋun dakon geni yaŋ teŋteŋaŋapno ji da nandaŋek nandaŋ gadat awit.

Don amin kisi morap kimakgwit uŋun kimoron da pidokdaŋ

¹²Kristo kimoron da pidagit uŋun dakon geni yaŋ teŋteŋomaŋ, do jikon amin diwari da mibili nido “Amin kimakbi kimoron da aripmi dima pidokdaŋ” yaŋ yoŋ? ¹³Asi, amin kimakbi aripmi dima pidoni kaŋ, Piŋkop da Kristo kimoron naŋ dima aban pidagit. ¹⁴Asi, Kristo kimoron naŋ dima aban pidagit tam, gen yaŋ teŋteŋok amaŋ uŋun yo isali asak, ae nandaŋ gadat aŋ uŋunyo kisi yo isali. ¹⁵Ae yaŋ tam nin Piŋkop da yo agit uŋun do top amin dagagimaŋ. Nido nin Piŋkop da Kristo kimoron naŋ aban pidagit uŋun dakon geni yaŋ teŋteŋomaŋ. Mani Piŋkop da amin kimakbi kimoron baŋ dima paban pidon tam, Kristo kimoron naŋ dima aban pidagit. ¹⁶Asi, amin kimoron da dima pidon tam, Kristo kimoron da dima pidagit. ¹⁷Ae Kristo dima pidagit tam, nandaŋ gadatji da ji aripmi dima paŋpulugokdisak. Yokwi morapji sigin taŋ damiŋakwa ekwaŋ. ¹⁸Ae Kristo nandaŋ gadaŋ imiŋek kimakgwit amin uŋun pasilgwit. ¹⁹Nin Kristo nandaŋ gadaŋ imiŋek uŋun da paŋpulugosak do jomjom aŋek ekwamaŋ. Mani nin yo tagisi on miktimon gin timit do jomjom amaŋ tam, nin bupmi amin dakon mibi amin wagil yokwisi ekwamaŋ.

²⁰Mani yaŋ dima. Kristo kimoron da kili pidagit. Uŋun pigaga jap bami mibiltoksi tosok uŋun da tilak kili kimakgwit amin dakon wasok wasok amini pidagit. ²¹“Amin kalonji kinda da kimot aŋalon agit, ae yaŋ

° 15.4 Mt 12.40; Ya 2.24-32 P 15.5 Mt 28.16-17; Lk 24.34 ¶ 15.7 Ya 1.3-4

r 15.8 Ya 9.3-6 s 15.9 Ep 3.8; 1Ti 1.15 † 15.10 2Ko 11.23 ‡ 15.21 Ro 5.12

gin amin kalonji kinda da kimoron da pidot pidot aʒalon agit. ²² Adam dakon amin kabi morap si kimokgoŋ, ae yaŋ gin Kristo dakon amin kabi morap egip egip abidokdaŋ. ²³ *Mani nin morap Piŋkop da silip yipgut uŋun da aripmon pidokdamaŋ. Mibiltok Kristo, ae don tobil apjak bisapmon miŋat amin kabi morapni nin kimoron da pidokdamaŋ.

²⁴ Uŋun da kwenon mibi bisap abiŋakwan Kristo da koŋ mibili mibili tapmimi toŋ dakon kila amini uŋun paŋupbal aban pasil mudajaŋkwa kila agak pi morap Piŋkop Dat da kisiron yipdisak. ²⁵ *Nido Kristo dasi kila amin madep egakwan wigi uwal morapni pabiŋ yopmaŋakwan piŋbini egipdaŋ. ²⁶ *Ae uwalni mibisi abiŋ yipdisak uŋun kimot. ²⁷ *Piŋkop gen papiakon gen yaŋ tosok:

“Uŋun da yo morap piŋbini egipni do yopgut.”

Yo morap piŋbini egipni do yopgut yaŋ yosok, mani nin nandamaŋ, Piŋkop iyi Yesu dakon piŋbini dima egisak. ²⁸ Ae don, yo morap Kristo dakon piŋbini taŋakwa Monji da iyi naŋ Piŋkop dakon piŋbini yipdisak. Mibiltok Piŋkop da yo morap Monji dakon piŋbini yopgut, mani Monji da iyi naŋ Piŋkop dakon piŋbini yipjak bisapmon Piŋkop da yo morap dakon wukwisini yitdisak.

²⁹ Amin kimakbi kimoron da dima pidoni tam, mibili nido amin diwari da amin kimakbi paŋpulugok do telagi pakbi soson? Aripmi dima pidoni tam, nido uŋun aŋpak aŋ? ³⁰ *Amin morapmi da pi amaŋ uŋun do toktogisi uwal aŋ nimiŋek nindapba kimotneŋ do aŋ. Do amin kimoron da dima pidoni tam, nin mibili nido uŋun pi amaŋ? ³¹ Not kabi, nak asi dayisat, Amin Taginin Yesu Kristo da jikon pi tagisi asak uŋun do butnokon da nandako yo madepsi asak. Disi nandaŋ, uŋun bamisi. Ae yaŋyo kisi nandani, nak gildari gildari kimoronsi kiŋ kiŋ asat. Gen on bamisi yosot. ³² *Epesas kokupmon amin diwari joŋ bit kilapyo yokwisi da yaŋ emat aŋek nak nit do awit. Kimakbi kimoron da dima pidoni tam, mibili mini emat agim. Ae amin kimakbi kimoron da dima pidoni tam,

“aŋwa wagil kimotdamaŋ,
do jap pakbiyo madepsi aneŋ.”

³³ Ji amin diwari da top paŋkewaldaŋ do piŋdatni. Gen on disi nandaŋ, “Ji amin yokwi gat muwutni kaŋ, aŋpakji tagi uŋun paŋupbal akdaŋ.” ³⁴ Ji aesi nandak nandak kilegi timigek yokwi ae saŋbeŋek dima ani. Asi jikon da diwari Piŋkop dima nandaŋ imaŋ. Ji da mayaktok pani do aŋek gen on dayisat.

† 15.23 1Tes 4.16; PA 20.5 * 15.25 Mt 22.44 x 15.26 PA 20.14 † 15.27 Kap 8.6
z 15.30 Ro 8.36 a 15.32 Ais 22.13

Giptimnin kimoron da pidokdisak unun n̄wakn̄wari

³⁵Amin kinda yaŋ yokdisak, “Amin kimakbi kosit niaŋon da pidokdaŋ? Ae pidoni bisapmon niaŋen giptim da pidokdaŋ?” ³⁶^bUnun nandaŋ kokwini tagi dima amin dakon gen kinda! Gak jap yet kwaokdal unun mibiltok kimot aŋek don kwosok. ³⁷Ae wit bo ae jap diwari dakon yeri kwaokdal unun jap bami don kwokdisak unun yombem dima. ³⁸Mani Piŋkop da iyi nandaŋ kokwinigek yeri kalon kalon do obi tamiyo iyikon iyikon wasosok. ³⁹Giptim morap unun arip gin dima. Amin unun giptimni n̄wakn̄wat, ae bit kilapyo giptimni n̄wakn̄wat, ae minam gat ae tap kilapyo kisi yaŋ gin. ⁴⁰Kundukon yo toŋ unun giptimni iyi, ae miktimon yo toŋ unun yo kisi giptimni iyi. Mani kundukon yo toŋ dakon tilimni unun n̄wakn̄wat, ae miktimon yo toŋ dakon tilimni unun yo kisi n̄wakn̄wat. ⁴¹Gildat kanek ae gikyo tilimni n̄wakn̄wat n̄wakn̄wat. Ae gik morap tilimni iyikon iyikon taŋ yomaŋ.

⁴²Amin kimakbi kimoron da pidokdaŋ unun yaŋ gin. Giptim wayikgamaŋ unun miktogi, mani giptim pidosak unun aripmi dima miktogi. ⁴³^cGiptim wayikgamaŋ unun tilimni mini, mani giptim pidokdisak unun tilimni wagil tagisi. Giptim wayikgamaŋ unun tapmimni mini, mani giptim pidokdisak unun tapmimi toŋ. ⁴⁴Giptim wayikgamaŋ unun on miktim dakon, mani giptim pidokdisak unun Wup da egip egip imisak.

Miktim dakon giptim tosoƙ, do giptim Wup da egip egip imisak unun yo kisi tosoƙ gin. ⁴⁵^dPiŋkop dakon papia da yaŋ yosok:

“Amin mibiltogi, Adam, unun amin egip egipmi toŋ dagagit.” Mani mibi Adam da amin do egip egip yomyom Wup dagagit. ⁴⁶Wup dakon egip egip da mibiltok dima altagit. On miktimon egip egip da mibiltok altagit, aŋakwan wup dakon egip egip da don altagit. ⁴⁷Amin mibiltogi Adam unun on miktim dakon, ae miktim naŋ wasaŋbi. Ae Adam unun da buŋon nani unun Kwen Kokupmon da pigit. ⁴⁸Miktimon miŋat amin morap unun giptimni unun Adam dakon giptim yombem. Mani Kwen Kokup dakon giptimnin unun Kristo dakon yombem akdisak. ⁴⁹Abisok nin miktim amin Adam yombem da ekwamaŋ. Unjudeŋ gin don Kwen Kokup amin Kristo yombem akdamaŋ.

⁵⁰Not kabi yaŋsi dayisat, miktim giptim gat kisi Piŋkop da Amin Kila Asak da kagagwan aripmi dima wigigi. Ae yo miktogi da yo dima miktogi aripmi dima timiri.

⁵¹^eNandani. Gen pasili kinda dayikdisat. Nin morap kisi dima kimotdamaŋ. Nin kisi morap kulabik aŋ mudokdamaŋ. ⁵²Kweŋ mibisi

^b 15.36 Jn 12.24 ^c 15.43 Pil 3.20-21 ^d 15.45 WW 2.7 ^e 15.51-52 Mt 24.31; 1Tes 4.15-17

yosak bisapmon nin mal wambilgamaŋ ujun da tilak tepmisi kulabik akdamaŋ. Kweŋ yaŋban amin kili kimakgwit ujun kimoron da pidokdaŋ, ae buŋon aripmi dima mik tokdaŋ. Ae nin kalugi sigin ekwamaŋ amin kulabik akdamaŋ.

⁵³ƒNido, giptimnin miktogi ujun kulabik anjek toktogisi tagisi egipdisak. Giptimnin si kimori ujun kulabik anjek toktogisi kalugi egipdisak. ⁵⁴gGiptimnin si kimori ae miktogi ujun kulabik anjek toktogisi tagisi kalugi egipdisak bisapmon Piŋkop dakon gen kinda tosok ujun bami toŋ akdisak. Gen ujun yaŋ:

“Piŋkop da emaron teban taŋek kimot obisi anjakban pasilgit.

⁵⁵hKimot, gak amin pabiŋ yopyop dakon tapmimgo jiri?

Kimot, gak amin tepmi madep yomyom tapmimgo jiri?”

⁵⁶iYokwi da kimot tapmim iban amin tepmi madep yomisak. Ae yokwi ujun gen tebanon tapmim pasak. ⁵⁷Mani Amin Taginin Yesu Kristo da tapmimon Piŋkop da tapmim nimiŋakwan emaron teban tomaŋ, do Piŋkop ya yaŋsi iyamaŋ.

⁵⁸Yaŋdo, not kabino, ji tebaisi agek wayiŋ wayiŋ dima ani. Disi nandaŋ, Amin Tagi dakon pi madepsi aŋ ujun bami mini dima akdaŋ, do ji bisapmi bisapmi Amin Tagi dakon pi aŋ kimotni.

Pol yo ak do nandagit ujun do yagit

(*Kilapmi 16*)

Pol da Jerusalem do moneŋ paŋmuwutdaŋ ujun do yagit

16 ¹ƒKili Piŋkop dakon miŋat aminyo Jerusalem ekwaŋ ujun do moneŋ paŋmuwutdaŋ ujun do dayikdisat. Galesia paŋmuwukbi da ani do kosit yoligim, ji yaŋ gin ani. ²Sonda morapmon ji morap kisi kaloŋ kaloŋ pi agak da butgwan moneŋ timikgaŋ ujun kokwinigek kabi kinda yopmaŋ yopmaŋ ani. Anakwa nak opbeŋ bisapmon moneŋ paŋmuwut dakon pi dima ani. ³Nak da obiŋ altoken bisapmon paretji Jerusalem paŋkini do disi amin kabi di manjini. Anakwa nak da but piso papia kinda mandaŋ yobo abidaŋek kini. ⁴Ae nakyo kisi kigisi yaŋ nandaken kaŋ, kisin tagi kineŋ.

Pol Korin amin kiŋ pindat do nandagit

⁵kNak Masadonia miŋtim naŋ kik do nandisat. Ujunan kiŋek don jikon abiŋ altoken. ⁶lNak ji gat timisok di gat egipbeŋ bo ae sigin egapbo ais bisap mudosak ujun dima nandisat. Ae kokup ŋwakŋwarikon kikeŋ

ƒ 15.53 2Ko 5.4 g 15.54 Ais 25.8 h 15.55 Os 13.14 i 15.56 Ro 7.13
j 16.1 Ro 15.25-26; 2Ko 8.1-9 k 16.5 Ya 19.21 l 16.6 Ro 15.24

bisapmon ji da anpulanganakwa kiken. ⁷Nak ji gat bisap pisipmi egip do dima galak tosot. Amin Tagi da tagi nandisagon ji gat bisap dubakgok egipner. ⁸Mani nak kokup pap Epesas idon egapbo Pentikos bisapmon wigisak. ⁹^mNido, Pinjkop da nak do yoma kinda witdal namik da miñat amin morapmi panpulugoko Yesu yolyol amin dagon. Mani amin morapmi da uwal annamaj.

¹⁰ⁿTimoti jikon apban kan anpulanganba pasol pasol dima asak. Nak da Amin Tagi dakon pi asat, ununyo kisi yan gin asak. ¹¹^oJikon da di da kanba amin isali kinda yan di aban. Tobil apjak bisapmon yipba but yaworon da nagon apjak. Not diwari gat kisi apni do jomjom asat.

¹²^pNotnin Apolos dakon gen unun yan. Not diwari ji dandak do kiwit bisapmon unun gat kini kan tagisi yan iyigim. Mani unun bisapmon op do dima galak tagit. Iyi gwagak kanek don obiñ dandisak.

Gen diwari

¹³Disi do kila tebai anek nandan gadaron tebai atni. Tebaisi agek yo kinda do pasol pasol dima ani. ¹⁴Yo morap ani unun but dasi galak tan yomyom anpagon dagan ani.

¹⁵^qNot kabi, Stepanas gat yutnikon ekwan amin gat da Akasia provinskon mibiltoksi but tobil anek Yesu nandan gadan imgwit unun disi nandan. Ae Pinjkop dakon miñat aminyo panpulugok do iyi dakon egip egip parekgwit. Nak gen tebai yan dayisat, ¹⁶ji unuden amin gat ae unun amin panpulanganba pi kalonj an amin gat dakon pinjini egipni.

¹⁷Stepanas gat Potunatus gat Akaikus gat nagon opba but galaksi nandagim, nido ji kisi da abiñ nak aripmi dima nandani, ¹⁸ae unun da nak kisik kisik namgwit ae jiyo kisi kisik kisik damgwit. Unuden amin da pi madep an unun do but galaksi nandane man madep yomni.

¹⁹^rPanmuwukbi morap Asia provinskon ekwan unun da gildatni tagi dayan. Akwila gat Prisila gat ae panmuwukbi unun bamot da yutnon muwukgan unun da Amin Tagi da manon gildatni tagi madepsi dayan. ²⁰Yesu yolyol amin notji morap da gildatni tagi dayan. Panmuwukbi notji gat domdom ani bisapmon but dasi timitni.

²¹Nak Pol da naga gildat tagi on mandisat.

²²^sAmin kinda da Amin Tagi but dasi dima galaktan imisak kan unun jobit timitjak.

Amin Tagi gak apbi! ²³Amin Tagi Yesu dakon nandan yawotni jikon tosak do bisit asat. ²⁴Nin Yesu Kristokon kabi kalon agiman, do ji but dasi timikdat. Unun asi.

^m 16.9 Ya 19.8-10; 2Ko 2.12 ⁿ 16.10 1Ko 4.17 ^o 16.11 1Ti 4.12 ^p 16.12 1Ko 3.6
^q 16.15 1Ko 1.16 ^r 16.19 Ya 18.2,18,26 ^s 16.22 Gal 1.8-9; PA 22.20